


松潘遊紀



松 潘 知 事 傅 樵 斧 像



乙卯三月
 出宰松潘
 一籌莫展
 徒請素餐
 高躋岷嶺
 親瞰江源
 上雪寶頂
 飲玻璃泉
 超大海子
 游小西天
 立玉池上
 探金穴前
 清風兩袖
 游記一編
 樂哉此游
 夢醒邯鄲
 撒手東歸
 幸福神仙
 影留身去
 再訂後緣

松潘游記叙

松潘居蜀上游北接秦隴西通草地毘連藏衛誠形勝之要隘西蜀之屏蔽也辛亥冬復遭番叛全城灰燼雖經克復一切均屬草創迄今三載有餘僅商務一途稍有進步較之往昔尤未及十分之半至於地方之若何凋敝民情之若何困苦領土之若何寬廣番性之若何頑梗應作若何整理撫綏漸求進益渺焉無聞夫如是而欲求復元氣固藩籬難矣茲傅君樵蒞任未及兩月一切庶政次第擴張居然改色昨閱手著松潘游記一書用意深遠奧妙精詳其程途道里關隘險阻人情風土瞭如指掌纖悉無遺如載番部砦落沿起沿革與夫政治缺陷款項艱難城垣坍塌民情困苦各情形深得治邊要領使非平日留心政務愛國憂民者慮不及此然困於財力猝不及舉是書一出有識者閱之莫不怦然心動彼此勸勉羣策羣力數年而後百廢俱興地方之元氣恢復漢番之隔閼消融

松潘游記敘

傅樵斧 著

松潘游記敘

二

實業見效工商發達金城湯池拭目可俟然則是書之有益於邊要者誠非淺鮮豈獨後游斯地者之指南二字哉

中華民國四年六月

邑紳趙翼叙

松潘游記序言

予嘗病吾蜀通志謬誤非特妄引古記之處甚多至紀今時之山川道里遠近方向率與實舛且風土人情之關於政治者亦大略闕如心滋歎焉松潘爲西陲重鎮徧處夷巢自唐迄今千有餘年兵戎之禍不絕辛亥番變全城焦土不獨人民財產蕩然無存即文紳賡唐所抄存之舊志均同罹浩劫良可憤歎予於壬子秋備員漢軍統部書記官屢欲作一游記以爲志乘之先導未果傅君樵村以簡陽名宿出宰是邦下車伊始首以生聚教誨培養元氣爲前提不逾月百廢具興紳民交頌孔子云期月而已可也不信然歟公餘以所編松潘游記見示讀悉不勝欽佩竊念松城克復以來民生凋敝達於極點應興應革之事不一而足今傅君勵精圖治積極進行俾地方漸復原狀並將入松之情形道里及境內近時之真象逐一記載約有數萬餘言纂爲一冊閱者誠細繹之豈僅行旅可奉爲鴻

松潘游記序

傅樵斧 著

松潘游記序

二

寶卽後來政軍兩界之哀哀諸公悉當置諸案頭以作指南之鍼其有功邊徼詎淺鮮哉爰樂得而序之以誌嚮慕之忱云爾

中華民國四年五月

岷江周盛祺謹序

序言

大中華民國四年四月六日舊歷乙卯二月二十六日清明節 乘在重慶
差次捧檄出宰松潘由重慶啟行十日始到成都按松潘爲古氏羌地古
吐蕃地明之松州衛潘州衛清之松潘廳中華民國四年秋改爲松潘縣
地方僻在邊遠距成都七百五十里所屬草地凡數千里番砦數十處通
青海及藏衛居成都之西北距岷江之上游實岷山發脈岷江發源之奧
區也入松者行路艱難倍於蜀棧天生險阻勝於劍門所謂一蠻擲石人
不敢過一夫當關萬夫莫禦也近三四年來兩遭番亂兵燹之後城郭已
墟而松潘向無志乘可攷亦無游記可觀爰將此次入松之情形道里逐
一筆之於冊沿途步行未敢稍怠計程十四站成書三萬數千言爲後來
者之指南俾行人稱便使四方商賈得悉近時真象相率出塗以擴張松
城市面早復舊觀是則 乘之志願也若云著作則吾豈敢

松潘游記序

傅樵斧 著

松潘游記序

大中華民國四年五月

簡陽傅樵斧甫誌

二

松潘游記目錄

- 由成都至灌縣之路程情形
- 由灌縣至尤溪之路程情形
- 由尤溪至東界之路程情形
- 由東界至索橋之路程情形
- 由索橋至板橋之路程情形
- 由板橋至鳳毛之路程情形
- 由鳳毛至茂縣之路程情形
- 由茂縣至溝口之路程情形
- 由溝口至大定之路程情形

松潘游記目錄

- 由大定至沙灣之路程情形
- 由沙灣至鎮坪之路程情形
- 由鎮坪至隆昌之路程情形
- 由隆昌至松潘之路程情形
- 松潘縣之現狀情形

松潘游記目錄

◎松潘游記卷之一

楚北孝感傅樵斧記

省垣僱夫入松須在大石缸僱每夫一名不過六千七八百文若由省僱夫到灌縣則多費由省到灌之力錢因由灌縣入松每夫亦需力錢六千二百或四百文也由省到灌沿途多車車載行李由灌入松每挑可至八十斤每扛重一百二十斤多則照斤加價入松之道路山石礪礪由灌須十二站其實只有六百二十里因力夫每日只行四五十里也趕站十日可到米菜鹽料均須在灌縣購備否則山中難買沿途么店亦不售飲食如過汶川則路上須自備鍋魁及玉麥餅豬肉要到威州乃有售者菜油沿途可買悉自灌縣來換錢尤不容易非在灌縣換入不可灌縣每夫領錢三千文文到茂州領錢三千文到松領錢一千四百文翻山靠勞不過二百文入山以帶挂麵爲便灌縣有竹筒向料及冰鐵扁筒
空手趕站四晝夜即可到松如坐轎之行李輕四天可到茂州又四天可到松潘尋常由灌到松須行十一二日力夫到茂州放棚

由成都至灌縣一百二十里

成都至灌縣

五

傅樵斧著

成都至灌縣

六

係車路轎子難覓加班每夫到灌縣力錢七八百文天氣長時一日可到天氣短時則多宿鄂縣沿途風景秀美空氣清潔係坭沙路天晴塵高十丈飯食及菜均不惡由成都出西門行

二十五里土主場

數百戶車多

二十里鄆縣城

由正街通過出鐵貨豆瓣過此者多買入山及送情之用又出黃酥香油味美分甜鹹兩種

五里安得鋪

千餘戶人

八里竹瓦鋪

百餘戶有橋路寬且長

十里崇甯鋪

二千餘家人燒臘肉甚好炙圈腸之製法及味均佳

十二里新場

有店可宿有盤龍橋橋有木欄兩端有閣沿途場市之柵門均係高閣雄壯可觀

十七里灌縣

灌縣爲西商之總匯處亦松潘理番汶茂五屯之要口也商業以茶藥爲大宗百貨皆全由省至此皆平地到灌則高山陡起矣街市寬大人口繁多然皆有職業無乞丐知事公署宏廠堅固市街熱鬧有小成都之稱人物文秀風景清新城外之鏡明店可宿城內以一品棧爲佳入茂汶松潘及五屯者均必經過此地售冰鐵飲食盒者甚多每個百文或七八十文沿途河石最多街面及人戶之牆階多砌石卵廟宇之最有名者伏龍觀二郎廟古蹟之最著名者青城山都江堰離堆寶瓶口索橋年中西人之游此避暑者絡繹不絕

由灌縣雇騾脚入松每行李貨物二百四斤爲一駝價銀四兩比挑夫快九天可到松城至遲不過十天脚銀在灌先給出產之物藥材藍靛菜油茶葉木筏嵐炭川芎

成都至灌縣

七

傅樵斧著

灌縣至尤溪

八

澤瀉麝香鹿茸蟲草貝母羊毛羊皮土藥蜂蜜布疋毛牛犛牛年約值銀一百數十萬松潘之十家茶號均以灌爲坐號經理人稱總管

由灌縣至尤溪二十里

入山之第一棧也力夫多於第一日只行三十里路窄處如遇騾幫須先覓寬處停驂萬不可爭路且來往之藥挑羊皮夫脚人均橫惡故以讓路爲是入山之貨以茶包爲最多米油花生土碗竹器布疋草鞋挑亦多出山之貨以羊毛皮張鹿茸麝香藥材節節草木瓢木料爲最多多用背力人可負一百五十斤至一百八九十斤沿途無加班之力夫亂石路又多不能下足之處尤不可勝記且多泥路不比東北路之石板平坦也北路無須穿足馬出灌縣西門上山行過玉壘關江流在望關外即二郎廟樓閣雄壯右江左山目不暇給青城諸峯起伏萬壯自此至松有五無磚自灌入松沿途並無大森林汶川以上則穀草石灰均無矣力夫謠云三老九坪十八關一鑼一鼓上松潘沿途場市無趕集期故買物不便

八里白沙

人戶二百家水枯時行河石中水大時行山邊過索橋竹纜粗如拳凡十二條中流支以石墩長一里少三分上鋪木板人行其上搖動駭人過橋沿江左行約行二里上坡行兩岸皆大山高聳天半途中之負擔者多石灰及杉條嵐炭

五里麻柳灣
數十戶有煤炭廠沿江水行右山左壑有石灰窰自縣至此或云十五里山無大林木惟聞波浪聲

二里慶雲橋

一名朱綠壩紅匾黑字有飯售係木平橋

七里楠木園

十餘戶有石壁水大時多瀑布

二里龍洞子

有趙公山甚高兩岸皆係石山高各五六十丈人行山中如入峽內有觀音像在石穴中力夫至此多入洞焚香燭祈禱洞外有石欄杆俯視江水清可數魚山上多溜

瀘縣至尤溪

九

傅樵斧箸

尤溪至東界淖

十

石飛沙時時落下石山將盡約五里過有木欄杆之木平橋一座過橋則沿山左行有龍溪關盤查所有古龍溪三字刻於木坊上

六里尤溪鎮

有汶川縣分縣駐此人烟數百戶店房不佳泥穿壁漏分知事署置有柳杖示威店中上官房每人一百二十文每年正月有天官神會甚熱鬧場外四面皆山有新建之東昇橋尙未完工過白龍池係一海子祈雨者多至龍池請水多森林此地距龍池四十里小路上坡行如同轉則只有三十里下坡路也橋側有水碾一店中頓飯有豆腐出售每個售錢十五六文有用綠荳造者色碧味佳又有售肉菜者過此則翻羊子嶺矣

由尤溪至東界淖五十里

此爲入松茂之第二站也因翻娘子嶺山最高娘子嶺相傳爲唐楊玉環之產地上嶺一十五里下嶺一十五里共三十里路不好行本站雖名五十里其實只有四十八里東界淖路人呼爲宗荐老此站有飯食不必自攜米糧

二里尖尖樹

有人家數戶上坡行坡上有瓦房數家二月天晴五十八度山路純係有稜角之亂石碎石從此上山翻娘子嶺矣上山豆麥均有二月末菀豆始花麥苗盈尺

五里半大灣頭

有草店數戶有稀飯可賣純係上坡路一山比一山高

四里半亂石窖

有飯可買人戶只二家一帶石路均係青石如宜昌道中之石光滑難行

三里娘子嶺

即山頂也有入戶數家頂上有大石山一座路之兩端均有木柵

八里西瓜淖

下山路也比上山之路稍易行山外雪峯如日本之富士山狀白雲盤繞山頭日日如此一路山徑林深箐密場內只有草房十餘家

五里映水灣

尤溪至東界淖

十一

傅樵斧著

東界老至索橋

十二

數十戶有高陞店甚好現作茶館高陞店主劉姓係前清丁文誠公巡邊時所駐之地也有麵可食沿溪右行路有一大灣曲均依山行灣處有水碾過獨木橋一路皆亂石有索橋一通對岸之二河頭上坡行皆亂石荒山出木料

十里豆耳坪

二三十戶有瓦房一院

十里東界老

有獨索橋有破廟一間名川主宮過長壽橋橋有木欄場內店房數家多無門人戶一百餘家有飯食聯升店係新修者上官房頓飯每人一百二十文尙有賓龍店可宿鷄蛋豆腐均可買二月有白菜台波菜豌豆羹可買又有海上方一店亦可宿外係藥室售有挂麵土人云後山多豹及山羊野豬途中口占有句云小心步步皆青石回首山山生白雲紀實景也到此方知

由東界老至索橋六十里

此站名曰六十里其實路短只五十里耳沿岷江之右行盡日水聲喧闐直至松潘

皆如此境蓋溯岷江行也沿途牧羊者甚多羊多翦過毛者沿途山土栽糧食者均以亂石砌阡陌叱犢之峽聲有如三中之船夫口號

二里太平駟

對面有大石包爲分路之記號如向上行則誤矣須由左行走亂石窖中過獨木橋一過橋向前有一破樓直上大石鯁路橋則担底挑則撞角如三人橋更難轉折轉拐處有茅屋數家又上坡行二千步溪邊有獨索橋又下坡行坡盡處人戶一家又二里上下偏岩中遇朽木破樓一有字不可辨

八里與文坪

數十戶原係宿站因清之光緒二十九年紅燈教匪肇亂街戶被焚現尙未能復元滿目蕭條塲口有大麻柳三株大者可十圍有廟樓翼然曰文昌宮有汶關茶務局驗票有豆花售色紫赤無飯食此十里甚短

三里一碗水

山石礪礪人戶三四家有豆花玉麥粉售上遊有觀音廟在路左又有獨索橋路右

東界老至索橋

十三

傅樵斧著

東界老至索橋

十四

石壁上刻有一碗水三字

三里莎波店

有粥售十餘戶又沿江右行過一山溪有獨木橋人戶數家有茶鋪有車製礮石手錫者樹多麻柳及卓角江水甚急激湍怒吼口占有句云白水迎人沿路吼青雲隨我出山飛

四里銀杏坪

有飯可買街棚上有觀音閣有茶飯有獨索橋一以竹爲索粗如卵兩端或繫石上或拴樹上沿途盡依石岩行途中口占有句云何處岷江源盡頭朝朝只見水東流

五里沙坪關

有二十餘戶半里行江邊由涸溪中行過獨木橋轉灣處風景如畫山溪淺水白石磷磷垂楊九株水聲潺潺山邊人戶十餘家兼以翠篁一畝鳥聲江聲更饒幽趣地名羅圈灣有小廟一廂塑神像五前清原係小學堂提學司方和齋之告示尙存門上民國以來學堂無人矣四山皆石疊重巒二月下旬正午天晴才八十一度

五里撤底關

有關門以木爲之距街半里有民家二十餘戶係瓦房有一廟街左有大石二堆一形如牛背一如魚脊沿途居民牆壁多亂石砌成埒者亦多一里有獨索橋用溜筒渡行人又上下石山路約一里見人戶二家行河岸粗沙中凡七百零七步路尙平砂壩後又行亂石砂壩中凡四百步乃上坡行兩岸皆崇山峻嶺亂石疊成時有崩石又行亂石窖中過獨木橋一岩壁上有石刻立佛像五像皆古拙江水大時獨木橋則不能過矣又上山一百五十步下坡行怪石數百種諸奇畢具有石洞一可容數十人沿途行岩畔多石壁可作磨岩書

十里桃關

關外有索橋關門有桃關二字係邑庠董廷魁所書人戶數十沿途多黃連樹路旁多扁竹根花及泥秋蒜小花藍白可愛關中有汶川來之糕餅出售有茶有蛋有豆花街戶不整齊關上盤查煙土及槍枝有方石一堆立道左大樹嵌之出關行亂石堆中過獨木橋一有水碾又過獨木橋一上坡行江水尙平可行舟過石洞門一係

東界老至索橋

十五

傅樵斧著

東界老至索橋

十六

天然關門石壁如柵牆橫阻道中下臨河岸右連山左絕壑關門石額上刻有人力所通四字坡上有觀音岩岩石層悉作立方形疊積可觀山岩石刻南無阿彌陀佛等字甚大又上坡行一百八十步下坡行三百六十步有人家有一瓦房五草房又行平路二百八十步又上坡行均行偏岩邊沿途所見山石之色質與東洋之人造石相似

五里沙壩

數十戶有木廠有售豆腐干者行稜石中又行砂磧中又行石岩邊石壁之高者可數百尺江水尙平到索橋左有溪水入江

三里索橋關

有索橋一通草坡入大小金川通回疆橋係前清岳大將軍伐金川時所設店房窄且穢有售茶食者據云所有茶食均汶川來葱蒜均難覓有售煮熟之四季豆米者每碗五文可食土產以木料及碱爲大宗過河五里爲戴家坪此處跬步皆山無一塊平土故不出糧食山後多野獸惟無虎塲右有巨石山一座街鋪甚廉每間每年

只可收租四百文

由索橋至板橋二十七里

此站苦寒飲食難買沿途茶飯店中多用長條棹茶水每碗五六文飲食極不方便十七里過汝川縣城沿途居民戶宅多平房上用石蓋作平面形少用瓦三層者則下面居牛馬中層居人上層放置器物屋頂則晒糧食途中所遇之負販多節節草及木瓢黃楊梳料多自威州來連日盡行山溝中可栽種之山土頗不易見自此以後平房稠樓日日均有稠樓如四方形之大烟囪上有方眼

索橋

行經橋頭并不過橋沿山邊行濫石路一里餘有破戶數家一路皆大小圓形之石子上下坡路均在石岩邊行過一大岩穴可容十餘人對河有蠻卡一路甚窄小再七里則到楊店矣對河為瓦寺土司現為故友索懷仁之七弟季高山下有平土一段長可數十畝桑樹柏樹柳木亦多有平房風景甚好鄉民種玉麥必鳴炮一聲耕地兩牛並行所謂偶耕也

索橋至板橋

十七

傅樵斧著

索橋至板橋

十八

五里磨子溝

過一溪口人戶數家有飲食售溪水潺湲楊柳成陰風光甚好令人流連過獨木橋一上坡行約一百步又下斜坡岩邊平土可二十畝垂柳滿隄可二百株路旁皂角樹極多江水亦平過途右柳林到楊店

二里楊店

亦作羊店人烟數十戶可宿有售飲食者出玉麥有聯升店可宿有瓦房一院孟姓為大家山頂有雪街上牛糞狼藉有山王廟上坡係碎石路過平房二家有一戶在山半對山為土司地山下有平沙一段兩岸均有平地種有糧食多柳樹路右則童山又上斜坡細沙路如上海馬路之沙石過一山灣仍細沙石路又過一山灣下斜坡仍為細沙石路有瓦房一間在江岸又上碎石斜坡到飛沙關有茶水人物尙秀

五里飛沙關

有朽木柵架一有夏后實母祠依山建築係瓦屋數椽觀音寺一石紐山即此地也右方石岩壁上刻有石紐山三字大如米斗江水對廟直奔係一山灣也路左有塔

一係山石堆成塔腰已坍在江畔之石崖上飛沙關即古鳳頭關午間風大飛沙走石清乾隆三年知縣劉昌尉特開新路即現行之路也有碑記石紐山係大石山上坡行夾石窖中又行細沙路一百三十一步行石沙路一百步有夾槽有地三四段河邊有漆林又行二百六十步至山溪過獨木橋一係尺五寬九寸厚之大木一方溪水清流柳二十三株又行碎石沙路中四百步到三店

二里三店

有王爺廟一瓦宅民家三十餘戶飯食須臨時煮街口左旁有大石包一行尖石沙路過柳林一小溪有沙地二段道中多扁竹花行小砂石中一百步係平路左右均有菜土又行細沙平路二百步行尖石路又五十步有亂石圍牆又行細沙路五百步兩邊有地土又行河壩大堆亂石中四百步對岸民房約一百餘戶有石礮過一大溪有獨木橋八十步到高店子兩岸大山均有平土現栽豆麥

三里高店子

有人戶數家吃食可買行夾道中二百五十步又行一百六十步下坡行一百步步

索橋至板橋

十九

傅樵斧箸

索橋至板橋

二十

行山邊俯臨大江行一千五百步過一大樹又五十步過一小溪又六十步到索橋經橋頭過一百二十步到汶川城外之汶川舊汛署只有大門尙存二百步到拱辰關關樓三層紅匾金字有桑林行二百九十步下坡行汶川城

五里汶川縣城

入永豐門入門即見孔廟及縣署管獄員署在小學校中不數武即出城出甯遠門地勢係一夾磴故城內只有街一條一片荒涼城外亦有街一條街稍長較城內人稍多城內無售飲食者城外乃有售鍋魁者鍋魁以汶川爲佳教門多有出名之陳鍋魁一家甚好小者每枚四文大魁則照稱每個在二三斤以上有茶館有麵食有油炸之麻花茶點相料小菜等出售城內外共五百餘戶索橋關在街口有索橋關三大字橋通銅陵山土司地出關行山邊一百餘步有柵門下坡行碎石路江有大灘男女均背負出力行約四百步又見江有巨灘在大石山下行大石堆中上坡行一百十步又下坡行亂石窖中又下斜坡三百六十步過一大溪有獨木橋上坡行左有大斜石面甚平可刻字又下坡行雖係亂石路却甚平坦行二百五十步又依

山邊行一百二十步又上坡行旋下坡行過一溪行河壩中又上下斜坡仍山邊行經亂石堆中江水尚平

十里白魚落

有驗卡一人家二三十戶民居牆壁多以亂石砌成將屋包圍有茶鋪出柵門行山礮中凡二百步下坡行有溜筒索倚山坡行路尚好行左岩壁立右俯大江對岸河干皂角甚多過大沙壩有柳五株又有麥田對岸山上亦有人家上坡行有平房數間在對山之溪口過山灣仍行山邊江身甚窄俯視江流懸岩數十丈路平輒對山溪口內山地層疊過一山灣對面山頭有石礮又過山灣隨江水曲行又過一山灣滿地蒲公英黃花滿地兼以扁竹紫花亦滿山遍谷又過一山灣路如弓背江水如弓弦均斜坡路溪中白石遠望如石灰色下斜坡行又過一山灣正對白石溪口行石岩大石下又過一山灣與溪口民房成一直線又行碎石塊中過一山灣下坡行過一關門下坡左行轉一銳角仍下坡行又向右行轉銳角下坡行走碎石路中又下陡坡一百五十步又行溪口石壩中一百步過獨木橋上岸即板橋人戶數十

索橋至板橋

二十一

傅樵斧箸

板橋至鳳毛坪

二十二

家

十里板橋

場口大樹一株人從樹側行大可數抱有沙土數十頃鄉民之耕地者用雙牛並行江水無聲波平可舟路亦坦山灣有龍王廟有人戶處又過小溪一獨木橋

由板橋至鳳毛坪六十一里

沿途飲食不便須至威州乃能換錢威州即新堡關也民居平房所用木梯多用一大木斲以齒如鉅形沿途有售大鍋魁者翻七盤山有髮辮之人沿途皆有又有收麝香者鋪內挂一盤頭爲標識居民多供奉泰山石雁門風大行者宜防

五里磨刀溪

場內過小溪一人戶數十家有切麵售有店房一家街面荒涼純係平房自板橋至此均係山邊平路出場口仍依山坡行兩岸皆童山過一山灣上斜坡對岸山脚一段平原至大石處轉折下坡行依石崖邊沿江岸石壁數十丈均人力開鑿者有菩薩像五又行一沙壩之高原中約五百步上大坡二百步又下坡行又上斜坡河中

有中壩甚大有麥田一百餘畝又下陡坡行粗沙路岸傍皆柳林又上斜坡入柳隄行有人戶數家又入樹林行平路平土亦多

四里七盤溝

人戶一百餘有飲食售有茶酒粽子有文武宮廣生宮地方尙大由索橋行來應宿此處房宅均蓋瓦有嘉慶時之木坊一上刻食德服疇四字街面純鋪大河子石出塲行林木中左有平正祠江水尙平不聞水聲行石牆夾道中盡處行河壩石子中三百一十七步上坡行粗沙石山多黃茅對岸有礮過山灣上坡行大石中又過一山灣向右折行距河稍遠不聞灘响上坡行有兩雪山由對面之山缺露出又向左折上坡行係粗石沙路一百二十步又向右折上坡行一百六十步又向左折上坡行一百六十步有人家下坡行遠望江流如銀河一綫左方山下有沙山數堆現出各種奇狀有如水紋者如羅紋者有一大沙埠如蚌形紋亦如蚌紋均風力造成者與戈壁中之沙磧相似右方山上又無此種沙堆每日午間山風飛沙皆爲各沙堆所吸收名九龍飛尾真神異也樹木亦多七盤山亦係河沙泥質

板橋至鳳毛坪

二十三

傅樵斧箸

板橋至鳳毛坪

二十四

三里沙灣子

人戶二十餘家沙堆在道左江之岸下沙行路尙平係細沙泥路對山有礮山下有土下坡行沿山邊係平路有高坎一步右邊石洞內有一沒字碑行巉崖邊下視江水尙平又下斜坡轉一山灣下一夾道斜坡過一小溪上坡行山石皆帶有礎玉白石質對岸有礮隄樹扶疎又行平路依山邊又下坡行又行平路一段又行至大石包處又下坡行

八里威州

卽新堡關有郵局理番縣屬有分知事署人戶約六百家正街一條分知事署上年被火現住武廟爲行政分署如換銀元每枚可值一千四百五十文麵食尙好茶水亦好小菜亦可買有肉售有城隍廟五顯廟清真寺有城垣依右上山圍繞城外有石門刻有玉壘浮雲四大字沿途坭沙路如行炭花炭灰中河邊白楊甚多有古迴龍寺寺下江有急湍下斜坡平路

三里姜舍壩

有大樹一株數百年物也人戶二十餘家江水平可以行船走江干亂石中路多溜石又行河石中八十二步行沙壩中行草地中共九百步水大時則由山邊行白楊青麥掩映如畫又有菜地有古廟一

五里過街樓關

有魁星樓一紅牆現於綠樹中有古木一株可十餘抱有福緣寺古柏參天人戶數十家有古川主廟內附有學校有破樓一卽過街樓也樓上供有神像場外綠樹參差景色留人廟前溪流洋洋一帶平路行綠楊陰中兩旁溪水森森有水磨向左行過小平橋行河石壩中一百五十步過木橋三係一大山溪也行河石壩中一百零八步又行夾道中過水碾二百五十步過魁星樓又有夷齊廟瓦屋一間有古之賢人四字木匾一方

一里雁門關

人戶三十餘家古木參天街市荒涼無飲食上坡行上大石山一百四十二步轉右行上坡五十二步出關門係石洞城門有雁門隆固四字過一大山灣下小坡行又

板橋至鳳毛坪

二十五

傅樵斧著

板橋至鳳毛坪

二十六

過山灣二巉崖盡處路稍平在山半行距江稍遠下多平土又沿山行過一小山灣又過一大山灣江水直射灣下行石崖邊上前左方有溜筒索二上斜坡行碎石子路江濤怒如雷行平途過大石包三行一百九十步向右轉過一山灣又行里許又過一山灣過一溪過三元橋又過一山灣有石穴寬廣約丈餘又過一山灣水流聲急流經灣下過青白二石之花石路四段行小石子路上斜坡一百九十五步上青花石梯又行九十七步下坡行過一山灣行沙石路又過一山灣又行平路下關處崖邊有土堆二土人傳爲季漢周倉脫靴所落之靴泥

十二里青坡

人戶二十餘家有茂縣驗卡有店房一觀音小廟一茂縣征收貨釐花椒每挑四百文青黃菸每担一百三十文海椒二百文碱每桶百文蟲草貝母每觔六十文羌活當歸泡參蜂糖每挑百文雜藥每担六十文猪膘每張三百文木瓢每個一文有售包子及麵者有麵蒸之長大包子土名鍋圈子以斤兩論有茶水街中有陽溝一條有刑司宮在坡上依江岸行上下斜坡前有溜筒索二兩端均有平房大石包處路

平路中有流泉橫道流過轉一山灣循山半行走片石崖邊對岸有平房又行石崖邊過一大山灣頽垣甚多土人云係宋時廢堡過崖穴一過卡門即老文正也前方有溜筒索上下斜坡行過一山溪過木橋二道用圓木三橫踏時動搖不穩實難行現任茂縣知事陸君樹滋已在募捐修橋松潘文武兩機關及商號均樂助之過橋向左行河壩中到大石包右行二百五十步到文正一帶之山如破土牆之色之質二月末天晴午間攝氏表五十三度

十里文正

頽垣敗瓦一片荒涼原有四五十戶宣統末年爭路事起燬於兵火今未復元現只有棧房二家不可宿河對岸為土司地可望雪山沿河岸之柳樹可人沿山行左多山地上小坡行水平無聲下坡處左方有巨石過卡門一

五里五里沱

頽垣敗瓦人戶數家兩頭有木坊已朽字亦蝕雪山寒氣逼人過一山灣到鳳毛坪

五里鳳毛坪

板橋至鳳毛坪

二十七

傅樵斧著

鳳毛坪至茂州

二十八

人戶二十餘家店劣街鋪少無米售行者帶米自炊地方冷淡馬牛羊多場中有數抱之大樹一行一段水石濫路大白楊樹已將成林過山灣一山溪一有溜筒上下偏坡山皆瓦礫過大石山一座對岸白楊婆娑行瓦片小石堆中有青石當道如門坎下石坡對峯山下有平原大石包處開有路由右折行右有磨岩萬里長城四字款識不可認水平行亂花石隄中舊有木坊一上書周倉故里四字

由鳳毛坪至茂州四十三里

風多天不熱二月末午晴才六十度耳

五里獨足樓

十餘戶人有水磨有柳林有大木有溪流過石板平橋路窄不盈尺無日不大風行亂石窖中石崖作凍綠色高低參差難行已極轉折又多行山邊路更窄險水怒吼過關門一行沙石中關門上刻礙雲門三字行亂石中上坡行由七星關故城中通過城中全係瓦礫泥沙只有神像尙存出城洞右方有古碑上刻碑陰二大字文係草書多不可辯認有茂州衛指揮萬壘新題七星關八景詩詩不能認題尙可讀一

曰宗渠春水二曰石鼓秋風三曰岩頭暮雲四曰白水晴虹五曰七星夜月六曰五里朝雲七曰安鄉羌笛八曰口口樵林碑面之文爲七星關新建五顯靈祠記文多剝蝕不可識成化十一年乙未立碑頭係大朵雲紋行夾道中左右兩旁均有平土行亂石中路尙寬大有大石在道左古怪難描行平路過山溪水流甚陡過平石橋見水磨二溪內白楊滿綠

七里白水村

在坡上溪之左人戶數十家街面鋪戶尙整齊有店可宿有售麵包者有豆花尙好行山邊路極窄且險對峯有礮行亂石一段又行沙石路一段又行亂石路又上斜坡又下亂石坡又行平沙路對山有大廟江干有溜筒索上斜坡行對峯多土山過破屋數家沿山邊行粗沙路過一山灣路窄險下斜坡入深礮路左折行走碎石中多淺草牛羊多道左有一大石石面有無數窩眼俗名鬼打石深者不過二三寸行夾道右折行牆中有溜筒索

八里石鼓

鳳毛坪至茂州

二十九

傅樵斧箸

鳳毛坪至茂州

三十

人戶二十餘家有店有豆花有茶水路右坡上有土主廟過復鳳橋一平橋也兩頭有飛閣丹青尙存在過夾道二過山灣上坡行過岩穴一可容二十人過大石係平路路在山半下有急湍過山灣二對山地土如蛇腹紋道左有平土人戶一古樹一行平路左右有小溪流又過山溪一過石平橋有石闌橋頭有土地神白楊數十株地名臨淵沱距石鼓五里折右行有民房一河身窄江浪高行平路兩旁有平土上小坡山頂有人戶下小坡行細沙路中地土尙多過小溪橋一行平路一段又上小坡又行平路上下斜坡左轉一山灣平路行右有大白楊二株可二人抱上小坡又行平路有大柳樹一株

十里小宗渠

十餘戶無街牆側有流泉一帶麥田大柳一株可數抱有大抱格早樹一株有用二馬并耕犁地者行平路一段又上小坡過巉崖過一山灣又行平路山地百頃過叢塚路平坦右有小溪流午晴六十度

五里宗渠

自小宗渠來平土相望有文昌宮有大木有老柏有川主廟廟外有一過街樓有平正祠過一大溪過泥橋一有水磨白楊青葱排列如書出青石有岷山祠有節孝石坊右有迴龍寺人戶一百餘家有茶水豆腐有玄帝宮左有木亭一中置一八方形之石碁刻有神像依山傍水行水平不波過山灣一水曲曲流如弓字形沙壩甚多過一山灣對山之平土亦多又過三山灣路平地土多左有大白楊樹五株行數里過一土山過一山溪過一小平橋白楊十餘株上斜坡行一百步過一小溪一小平橋又上土坡行溪邊白楊數十株江水平可行舟

七里茂州

地勢高無人戶一山溪白楊多過青木坪上坡行又行平路左岩下之平房甚多行至左有大柳樹處八百七十步又行碎石沙路至土地神處有白楊多株四百步民家多用泥土爲牆行至夏公祠處三百六十步至丁公坊四百一十二步右邊高山上有四層塔一又過一木坊上刻神禹鄉邦四大字有石節孝坊一關門之城樓三層極爲雄壯門外有大石照牆有古時木坊一名安阜坊上有古澗州三字抵茂州

鳳毛坪至茂州

三十一

傅樵斧纂

鳳毛坪至茂州
三十二
城入城關門城樓上有鳳樓樓三字城洞闊壯城外街市甚長過狀元橋韓狀元故里在此

◎松潘游記卷之一

由茂州至溝口砦四十里

轎夫挑夫多在茂州放棚一日如不允放棚則每人給錢一百文入松者在茂州必發夫價每名約發二千文在茂必買米菜帶入山去否則沿途無飲食由茂州入松前三站路甚短第一站爲溝口砦二站爲大定三站爲沙灣通共一百二十里須分爲三天走沙灣一站須翻大坡過沙灣則入松只三站矣且路平易行第二站口須過兩河口風大宜小心兩河口爲黑水入江處沿路自行煮飯祇給店主之柴錢水錢夜間宿店無燈亮行者多自帶酒壺店中無臭虫惟蚤蝨多由茂至臺溪營則好買飲食矣但無飯售沿途雞蛋亦貴每枚十二文至十四文茂州以上無猪肉矣店中無么司堂宿諸多不便

古云由茂州至松潘三百里山嘴險惡一蠻擲石人不能過其路隨江曲折蠻人下山搶掠甚易富不可以無制禦然以今證之由茂入松乃獨路一條途中搶案極少因絕地也

茂州至溝口砦

三十三

傅樵斧著

茂州至溝口砦

三十四

茂州

民國四年改爲茂縣現任知事爲江蘇陸君頌聲載道管獄員爲巴縣何君亦政績昭著松潘士紳之住居茂縣者甚多飲食尙便米仍自緜州來城內樓閣雄闊知事公署甚好有大阜角樹迷信家挂紅在樹者甚多署內又有大梨花一樹點心不佳而尙可食無好店家中不預備飯食不備油亮不備柴草客須自己預備茂州民間換錢以兩計一兩只有錢八百文論兩不論弔猪肉每斤一百七十文猪油二三百四十文牛肉八十文羊肉一百二十文菜油一百七十文石膏八十文紅糖八十文米一千二文百春茶四百文灌茶三百餘文銀元一千四百三十文鈔票七百文生銀二十千四百文城內有鐘鼓樓甚高大俗呼茂州爲鎮陽城縣署有後門又通西門外去年十月七日知事左公交卸投江陸知事聞信由後門出西門救之卽此地也城內麵食尙多城外平房多出北門城洞內野鷗甚多漢夷婦女負柴入城者甚夥多用紅綠布纏腿

五里茶關

到此始見江流在左方山下有水磨過彩虹橋木橋也凡五楹右方廟內駐有茶關
委員廟後一大石山關門之茶包狼藉上石岩行石坡土人云岩洞下有數丈長之
魚一尾下坡行平路一段依山邊行負柴之婦女甚多一路柴草甚貴過一山灣長
斜坡水平路里甚長過一洞之石橋有大樹二株有觀音廟

十里石榴溝

人戶數家有店房不可宿店中多鋪足床有茶水及豆花麻花售麥田亦多過山灣
依江邊行又過一山灣下斜坡行瓦礫路又行巉岩岩石路又過青石板十餘个又
過石壁一段行亂石子路過門限石又過一山灣對岩有平房又過一山灣灣下有
平土一段依巉岩行上坡又下坡行粗砂路過山灣二又過一灣左折行均銳角又
過一灣上斜坡行三百四十一步左右石岩形如嵐炭又一段巉岩對岸麥田甚多
行平路六十二步又上坡行五十六步平路四十六步又上坡行七十五步行平路
過一山灣經過壁立之巉岩下過一小灣上坡二十三步平路行三十六步又下坡
行一百零三步又行夾道中又下坡行二百五十步右折行五十四步又左折曲行

茂州至溝口岩

三十五 傅樵斧著

七十步右方大石上有指路碑又右行五十步又右折行下坡六十六步左折行四
十步又右行左方有一大溪流白楊滿隄右多山土左有水磨山尖有人一戶溪內
之高山石色花白光如雪山過興隆橋橋六楹向左行人戶二家溪邊麥田油油綠
白楊成陰行一百十步過頽屋中至渭門關

茂州至溝口岩

三十六

十里渭門關

自茂州至此名爲二十里其實路長有二十五里過此二十里到溝口岩却又不滿
二十里入街處有頽垣瓦礫由中通過係前代民居遺址有廟宇無售飲食者人戶
數十家街中有陽溝一條兩岸均大石山行石片中過一灣對岸人戶數十家地名
江言浦白牆上畫有一輪紅日又過一灣右折行如行踏炭灰中有平坦路一段凡
四百九十步右山盡處右折行行右山脚沿岸行過一灣右行又過三山灣又一灣
左行江岸邊一百三十二步上斜坡行四十步右向沿江行對山有一廟紅牆一亭
白牆右山之泥石均作灰白色左方下小坡循江行水大時則由上方行路窄險寬
不盈尺且斜傾過一小山灣對岸平房與綠楊相掩映有橋有水磨地名側溪溝行

巉岩中高下不平大石鯁江心過一小山灣仍行灰白色之石山邊一大石嘴由路左支出路平坦過一山灣右折行上短坡至石牆處行平路左有土上斜坡行七十步轉一山灣左行右有廢金碕上坡行九十步過一灣對岸有一路通理番之黑水蘆花龍坪等處行石岸邊之平路下坡行八十步又三十步又行山邊上坡右行亂石中又行砂路中有大石當中途繞石行左右均有路又行石包路石子路右折行又左折上斜坡三十五步行石子路上坡行亂石路一百七十二步大樹處行平路下坡行對岸一大石山有鋒稜又有一關砦已坍塌又行亂石路中由頽垣叢中過即到小沙灣

十里小沙灣

十餘戶無飲食街上馬渤牛洩滿地薰人由此十里到溝口砦名爲十里其實只五六里耳出牆口行夾牆中沙土中亦有路可行如種有糧食則仍行夾牆中在沙土牆處合路過山灣二行沙路上坡行巉岩邊二百二十四步又行平路兩旁石山極玲瓏過一山灣下一石坡依石壁行向右折石壁有如立方形有一碑過一灣對岸

茂州至溝口砦

三十七

傅樵斧著

茂州至溝口砦

三十八

有平房上坡行六七十步有雙索溜筒橋岩邊有一紅牆面下陡坡行一百二十步到溝口砦

十里溝口砦

砦在溪左山上城堞雄壯凡二千餘砦此地有放蠱之蠻戶一家有六楹木橋右走水磨坪九十里走茂縣四十里走石大關四十里平房上多鋪極薄之石片可作寫字版色如鉛皮有水磨三滿溝白楊有鍋魁豆鼓紅糖米線售街市彎曲店數家店不潔人戶有一百餘家右山半有如白塔形者土人稱爲山主廟過橋右折上坡行數十步左折又右行又左折均坡兩旁有人戶上偏坡右有亂石牆行平路左路下有麥田對岸有雪山有平房有土過一山灣右行又一山灣依灰白色之山邊行下斜坡路尙寬坦路左一大石如江瑤桂形過一山灣左行又一山灣右行對岸有平房上坡一百二十五步右有大石壁行峽中又行四十步下坡行亂石道中一帶大山石到處羅列又下斜坡如水大則行岩邊水小則行河壩中一百一十六步又上坡行十八步又一百四十步過一山灣上小坡三十步行窄路過三山灣相連貫也

路上之大石包甚多，轎底易頂碰。左有麥田一頃，道中有大石當路，由兩邊通繞行。又行亂石窖中，過一山灣，仍行石子路，過有照壁之平房，一過山灣，一左折，又右行。人戶數家，岸邊有林木，上坡即插耳岩。

由溝口岩至大定五十里

沿途有售小梨者，每枝五六文。皮有藥氣，牛燭每枝三十文。洋火每匣九文。皮蛋每枚二十六文。兩江口之風甚大，須注意轎篷，須加索拴固，路均難行。如過石大關，乃稍易行。有鹹肉名曰猪膘，由石泉縣來，每斤三四百文。沿途有洋花生、乾蘿布、絲售。

十二里插耳岩

五六戶人，無飲食售。上坡行有大木，又行大石中，又下坡行，行亂石坎及石包中。左路有大石如棺蓋形，臥道旁。下坡行灰石路中，大石阻道，兩面均可繞道行。過一山灣，行亂石窖中，對岸有溪流，有平房水磨。上坡行亂石坎中，過大石包路，尚易行。兩岸之山皆高數百尺之大石山，又上下斜坡，均有亂石坎。轉山灣處，經大石岩下，左有大石條，為闌，仰望石山，極為玲瓏。由右上石坡五十三級，有修路碑，清朝乾隆時。

溝口岩至大定

三十九 傅樵斧箸

溝口岩至大定

四十

立地名鳳凰嘴，向右折，依石山行，又向左折，下石坡六十三步。上沙石斜坡，牆邊有一大石支，出有白帶如曲水紋。此十二里路難行。

三里陳家壩

人戶一家，頽垣多。下坡行石夾道中，行亂石坡坎中，仍行石山邊，有雙纜溜筒，索對山有人戶數處，有廟一，白牆面畫有一輪紅日。又行石岩下，轉一山灣，灣內有石碑三四。上石坡行，石壁邊左有生成之石闌，上坡行沙地路，右折行，左有獨木支路。又下坡行，石塊路入大石洞中，由洞中通過，出入口均如城洞，內架木為觀音神龕。舊路在洞外之左方，已坍塌，此為新開鑿之路。又行白花石之岩邊，又上石坡路，左有缺缺，上有橫石轉拐處，路稍寬，有平土眼，忽開朗，行碎石砂中，轉拐處人戶二家。一帶麥土，又行大石邊，左有人戶一家，上石梯二十四個，上斜坡三十一步，有人戶右折行，下石坎過一溪，過石平橋，人戶三四家，至牆角，左折行，下斜坡，過一山灣，左折行，又右行，過大石山邊，右有執斧之神，又行石岩邊，行石岩路，岩壁紋如老樹皮。上下石坡，右折行，左臨江水，有木支岩邊，路下石夾道中，行亂石路，從石岩下行，有天。

然石闌有石碑字蝕不可讀過岩下上斜坡傍石山行上亂石坡坎高石濫沙溜坡陡又下亂石坎左右折行坡盡處有麥田又行亂石中又行山灣中左有厚大之石壘右有廢宅過溪流溪右有舊關門

七里長林

有古廟已破廟梁上注有康熙二十六年建等字神像是古帝后像一男一女均帝王衣冠無碑不可考又有一神像持笏無人戶過頽垣下沙坡行河壩中山頭有廢礮又上山坡行過叢石經石岩下過一石門路尙平易又上土坡路窄且偏過一山灣行灰石路中又過一山灣又過一山灣行山邊過山灣路短

五里兩河口

人戶三四家上坡行過石岩中有天然石闌行石坎八十步見黑水由對面入江下石級行此處風力大年中無日不風日午無不風行人宜早過此以免風禍沿石壁行石紋如劈柴依江水行俯瞰江流懸岩數十丈江水色黃濁下石坡行一百步又八十七步下坡路有天然石闌又七十六步上石坡行四十八步一帶大石山轉山

溝口岩至大定

四十一 傅樵斧箸

溝口岩至大定

四十二

灣又七十二步均大石岩過一大山灣下石坡三十步平路一百步過一山灣左有大石堆下坡行一百二十步過一山灣又行石山岩沿路石岩多夾豬油色之白紋行一百步又下石坎三十四步又四十四步過一山灣左折行下石坎二十步又下五十步又六十步行粗沙石中有大方條石臥路旁石紋如大木下坡行一排石岩壁立行岩腔邊又上坡行雖長不陡又下長坡行沙中有大白楊樹一株有草地又行石岩邊又行亂石中又下坡行石岩下對山有平房有石礮路左右均有平土又上坡行巉岩邊有天然石闌向右轉過一山灣右岩有神像

五里木蘇堡

木蘇堡至大定二十里路長實有二十五里數十家人有茶水酒麵售有復興店可宿能住二十人自茂州至此處凡七十里本係一站過一溪過石平橋有石闌有索橋水流甚急過橋頭行沙礫中向右上坡行八十步行平路從麥地中行如種有糧籽則向下面沿途邊行上坡行八十步又平路五十步上坡行過一山灣一百步又上坡行亂石山中又向右行八十九步又向左行亂石坡一百五十六步又行二十

步過一山灣過破屋又行寬平之沙石路過一山灣又過一銳角山灣行八百七十二步兩岸山皆灰白色風沙極大上坡二十步過一山灣左轉行上坡行一百二步左轉行坡路二十四步下小坡右山頂有礮房又行二百步行亂石中過廢宅一上坡向右行過一山灣下坡又過一山灣行灰石路有平土有人戶二家下亂石坡一百五十步行沙路過一山灣一百六十六步向右行行大岩石邊過一山灣岩石如牆立又過一山灣右有岩穴左有奔流下石陡坎七行亂石中左有隄柳及草地對岸有頽垣右有大叢石左有樹林一戶人此處有寬曠地又行叢塚邊亂石路尙平易可行過山灣一下坡行石岩邊過一灣岩有深穴又折左行過石岩邊又有深穴上石坡三十步岩上有大方石支出數尺行岩邊江流澎湃至大白楊樹平路有麥田過一溪流過四楹之朽木橋右行又左折折上坡行二十步

四里石大關

人戶三十四家街窄小有茶水左邊白楊茂林溪左有水磨江上有索橋行岩邊岩際有神像又行亂石中對岸有礮左有平土上小坡行亂石中又行石片中又行石

溝口岩至大定

四十三

傅樵斧著

坎路江多巨石灘多流急翻大石包行又上石坡行又下石坡又上斜坡四十二步沿灰石山行又有石版路一段又有大石穴石版路甚長爲數日來不易見之平路又行沙石中又行石版中過平房三四

溝口岩至大定

四十四

六里鸚哥嘴

人家四五戶對岸有廢宅有溜筒索有梨售上坡行一百三十步行石岩邊係石版路對岸石山下有民房下坡處過廢宅前面山下白楊林中有八方礮有一瓦房牆上畫有紅日對面三峯如筆架形江左有水磨上石坡行五十四步又坡路九十六步下坡行過一山灣左行右折又左行右有山泉自岩半流出坡行三十步又行平路一段亂石路一段共六百步又上坡行二十步又行平路一百六十八步過廢宅一上坡行亂石坎中一百十步又行平路二十步上坡行五十七步過廢宅一行七十步過一礮之拱橋一到大定城

四里大定

有城堞入城門石額刻新堡二字係明代嘉靖庚子年正月立同知何卿書其餘款

識已蝕不可辨有石礪出城門石額刻重固二字並刻有驃騎將軍副總兵中府都督僉事何卿柏村書并刻有提督指揮湯銘守堡指揮陶稚千戶張鶚百戶王勳何寅管工冠帶舍人烏鞠等字有關廟一有小溪水通過關內流街上馬牛糞充塞人戶數十家無飲食售店不佳沿山邊行江有大石橫臥江心占江面四分之三山邊純爲巨石右岩之岩石及石壁多刀截斧斷痕上坡行岩下有石如屋簷之支出人行其下上石坎行一百六步處有大穴可容十餘人又上石坡二十四級傍山行平路又過石崖下石壁盡處行石片中上小坡行十二步行平路至大石處上坡行七十步又行平路一百步又上斜坡行又行平路一段又下坡行石沙路又平路一段過大石山上石坡行二百八十步到大石邊又下坡行六十二步下小坡行對岸多平土平房下陡坡過石崖下過一山灣有岩穴深二丈又下坡過石岩下又行平路一段右行上坡行轉一小灣又行石崖下至大石邊有高坎平路行過石包又行十五步又平路一段又上坡行亂石內到紀子坪

由大定至沙灣四十五里

大定至沙灣

四十五

傅樵斧箸

大定至沙灣

四十六

沿途多杏花及小桃紅又多梨花本日須翻大山一過沙灣則到松一路無山翻矣且此站翻山路長山中氣候冷大火盆多大如方棹有用石製者均燒柴火用銅罐煨水

五里紀子坪

瓦房二家平房一戶(翻大山)上石坡行一千步到有圓眼之山石處左行八十一步左有碑行二十二步又向右折四十步又左折八十四步又右行十四步又左折一百三十二步向右行多大石右有廟左有修路碑一百七十步有人戶十餘家右有碑有頽垣地名瑪瑙頂又坡行一百四十步上頂沿途嶺雪未消自上山至此皆亂石坎難行且在山中不見江身矣途中有售乾驢肉者自紀子坪至黃草坪路十八里其實里長不只十八里也

五里瑪瑙頂

人戶二三十家無售飲食者力夫多在此炊飯山內多平土上坡行九十五步下坡行一百六十步又行平路二百零七步又行平石板路一百七十四步又行亂石中

三百一十六步右岩上有石穴一又行石泥中斜坡路一百九十七步只聞江聲不見江流對岸山缺露出雪山上陡坡行瓦礫路六十八步右崖有觀音小廟閉廟門如一貨櫃行石岩邊上坡路二十步又行泥路一段又上坡行一百六十步又行平泥路一百步左山內有岩數十戶上亂石坡行二百步

三里水溝寺

有人戶三十家過一小溪流上坡行一百步又平路數十步過人戶數家上斜坡亂石路八十四步又行平路八十步上斜坡二百二十二步下坡泥路過一山灣上坡斜路一百六十步上坡行三十步平路到牆角左行過川主廟一上坡行右折對大石灣行岩面平現有紋如龍蜿蜒狀只有鱗故地名老龍灣平路行右有小廟一百五十步過一大山灣即老龍灣也又平路三百七十步又上泥斜坡行一百二十步下坡行一百五十步上斜坡行右折行二百十六步路中一泥石堆當路墳起由堆廁行堆之兩面均可通上坡行七十七步右有石穴深數尺過一山灣左行坡路四十步又右折行可望見江面一段上坡行八十步右有岩洞可容十餘人上坡行四

大定至沙灣

四十七

傅樵斧纂

大定至沙灣

四十八

百步亂石坡路一百三十五步又右折行可謂難行矣又上坡一百三十四步過廢堡一又過一巨石路又行亂石坡一百步過廢宅一左右均有巨石土地又上下亂石坡各六十步又上坡行三十步又七十步下坡行平易好走八十八步又上坡行四十八步平路行過大山灣一百七十八步下斜坡到黃草坪

五里黃草坪

數家人下坡行過一山溪過一山灣灣下有水磨灣右有水磨岩泉滴滴荆榛滿山上斜坡行有人戶二過白馬廟牆色白雪山之雪光射人目又上坡行亂石中五百五十步岩有小廟有磨岩書係口茂襟喉四字第一字已剝蝕不可認上石坡行一百十步入關門

二里小關子

(下大山)有白馬廟人戶十餘家可望疊溪營相距尚有十里關上頽垣廢宅甚多下坡行石沙路又一段亂石包路又一段平石路甚寬坦過一段黃土岩行一節亂石路過一溪過一小石平橋過一山灣過一岩穴對雪山下又尖峯下地多藍白花

之山石可作器具用又行黃沙泥路過一山灣又過大石堆中有人戶平土行轉一灣有石坎又一灣俯見江流白光一綫又過一灣行石崖邊又過一山灣右折行又一灣右行復折左行過一山溪有石平橋過橋左行上坡行過夜馬關兩面大石崖下坡左行有人戶數家右折行又下石坎又右折行牆邊有白楊七株下斜坡行兩旁山土多有紅杏四大株過夾道中右折行到疊溪左有一路爲馬之路沿途小桃花多

十里疊溪

有城城內人戶二百餘家有警察分駐所入城有石刻之固粉臺三大字係明代嘉靖年刻有烟堆街市可買之物則猪油猪膘洋芋波菜皮蛋大麵包每斤八十文米糖五色線紙張針布牛燭核桃豆腐草鞋藥讓腸海椒花椒生薑蘿布乾絲鹽酒但無猪肉及米飯售有郵局有茶館有城隍廟廟側平土地多由城內通過到天燈處右行上坡出城洞城內杏花樹多有城門二重出外城右行夾道中係石子路上下斜坡行白草黃沙令人生感

大定至沙灣

四十九

傅樵斧著

二里校場壩

疊溪營本漢之蜀郡蠶陵縣唐之翼州宋元時皆爲羌地明洪二十一年平西羌改置疊溪右千戶所屬茂州衛二十五年改疊溪守禦軍民千戶所清改爲疊溪營設游擊一員管七族砦大姓松坪諸番屬松潘鎮城周七里有奇門三明景泰間築

大定至沙灣

五十

人戶十餘家行平石板路一望平原開朗天地爲寬左有石山有點將台有廟右有大照牆土人傳爲宋時楊老令婆點兵處台上四面石刻武士甚多不可勝數古蹟也又爲校場壩人戶十餘家紅杏綠楊天然畫圖前有碉樓左有廢堡右折下坡行山多白石過一山灣下陡坡一百步又一小山灣下坡行過石岩下臨江數十丈又過一山灣又過石岩下右折依岩行又過一山灣三百六十步又上石坡行又上斜坡一百零六步平路行過一灣一百九十步又過一灣又行四十步之平路上石坎十七步又行亂石路下斜坡至石岩邊過一穿心廟塑有觀音像頌神匾額甚多行人多在此祈禱右係數十丈壁立之石岩過一山灣又平路行岩上有不世陰功四大字又有遺善千古四大字又行石岩下又上石坡行亂石坎中山右有方石橫路

右如一封書形過一山灣右折行又下石坡行又過一山灣又過一向右折之灣路平好行又過層岩過一灣又過一山灣下坡行又過一層岩又過一山灣依山泥路行又下石坡行一千步到白楊樹處轉銳角左行又轉右行下坡七十八步又轉左行下石坡六十五步又折右行四十六步又下石坡轉左折行又四十七步又右折行又五十二步又左折行又四十三步又右折行三百二十步相嶺之九折坂不過如是且皆亂石坡凡過門限石一十七處均橫擔路中又上泥路行地名五盤子又行亂石中又泥石中水聲喧震有人戶有李花一株盛開

十里平橋溝

人戶數家有板瓦房用木板爲瓦也有大白楊一株右折行過一溝過一朽木石面之平橋左折行有水磨又有人戶數家平房數家溪內楊柳春水東風拂人過一泥山下一土坡此處又距江邊近矣行濫石中又行夾道中亂石路上斜坡過一廢朽之關門又過頽垣行小石中左有瓦房一行夾道內過一山溪過一平橋又右折又過一山灣過一溪流石岩處又右行行平路一段下坡行過一山灣卽沙灣也

大定至沙灣

五十一

傅樵斧著

沙灣至正平

五十二

五里沙灣

人戶數十家有過街樓駝馬站也牛馬糞甚多右山左江有溜筒索一兩岸白楊枝葉可人出塲上坡行夾道中過門坎石一又行亂石路下石坎過一灣灣有小溪流左折行又過一灣山如土牆立泥沙路過一灣右折行瓦礫路行夾道中亂石路對山有大岩穴二有飛泉白楊滿目行泥路有門限石三行河邊過一灣亂石路下石坎十一步行河邊江灘大水空響河下必有一大石腔也水聲如在囊中然行至大石山角處右折過一灣右行又行石路右有大花石蹲路旁上亂石坡有高坎二行夾道中有頽屋下亂石小坡右灣一又向左折行又上石坡一百步有朽木柵樓上高石坎數處有人戶三四家地名五里班無飲食售桃花始開行夾道中下亂石斜坡多門限石及高坎右灣行又向左灣行均亂石路中行對岸有人戶下石坎行石泥路又下亂石坎一百七步行泥石平路又行夾道中寬路約二丈一段大河石子路到普安

由沙灣至正平七十里

行三十餘里至永正即入松潘西界此站路極短沿途小桃紅甚多又出香栢樹番人以之爲香料多毛牛耕地毛牛之毛甚長鼻貫以大木環又多犏牛毛較毛牛短均能耕山高空氣薄沿途多藥山故行人多喘男女不好潔衣服油污不堪多不洗面男子之頭多纏紫紅布

十里普安

有關門人戶數十家有店可宿出關由左行又行夾道中小石子路上石坡過一灣有白楊小石路行石岩邊向左折行又行石岩下又向左折下石高坎一帶石壁下坡行大石包處則行平路矣又上坡行石岩下過一灣又行平路此十里路甚短山中氣候冷低至五十七度

五里楊柳溝

人戶二家岸多楊柳右有大石岩上石坡一百五十步向右行巉岩邊左折行泥砂路至大山石角處下石坎行大石壁邊過大石飛岩下左有天然石闌下陡石坎右行係一帶石壁過穿心廟一行平路行夾道中上石坎斜坡又行夾道中三百步又

沙灣至正平

五十三

傅樵斧纂

沙灣至正平

五十四

行斜坡係小石砂平路五十五步江之兩岸均麥田又行六十四步斜坡向右轉行又左轉行下坡行右折行又左轉行下坡行沿途荆榛下石坎右行亦一路荆榛又下坡行路窄小左有亂石向左折行又向右折行一岸麥田行夾道亂石路中過廢屋到太平此十里路長

五里太平

行石崖邊過一溪橋有水磨有城垣已空無人對城成直線處有一老樹作蒼龍鱗入口有過街樓數十戶人力夫多在此賃竈煮早飯人民有教門無飲食售出街一百步有古樹一株上小坡行四十步又行平路上石坎坡行五十步下石坎行平坦之泥路上石坡向右行七十七步左灣行下坡小石路亂石塊高低不平上坡一百步又行平路又上坡行二十步又下坡行亂石路半途一百六十步行夾道中又上亂石坡十餘步下坡行二百七十步行夾道中又行平路到永鎮

十里永鎮

有人戶無飲食有城在道左城內有人居住下坡行一百五十六步過一山灣下多

白楊行大石岩邊入一深黑之平房門即關柵也右石壁人行飛岩下下石坎三十餘步左折行坳石路中上斜坡行石片中又下坡行一百六十步兩旁皆荆棘行亂石路左多麥田行夾道中過兩大石盤右有尖石堆左一石堆係古時隘卡松潘茂州交界地也右有一石碑上刻松潘西界四大字行夾道中過一大石盤仍行亂石路無一寸平路路尙寬江灘聲大如奔雷入石岩邊行上石岩坡一百八十步又四十步石岩乃盡又上坡行夾道十七步沿途小桃盛開行平泥路右荆莽左麥田行夾道中小石片路天氣晴五十五度按明洪武十二年在疊溪營置七關永鎮實居其一

十里平頂關

有關山關內通過光復初番夷叛由平頂關直燒至北定關凡八十里均無完土關內一片荒涼十室十空不止九空矣有新修之街鋪多未完工非缺瓦即缺料現在只有一十九戶人有新修之店房可宿街上居民純爲漢人墊床多用厚重之羊毛氈製氈之工人每斤羊毛須工錢四十文羊毛自備每斤需銀一錢八九分出關行

沙灣至正平

五十五

傅樵斧著

沙灣至正平

五十六

夾道中路寬大右有大楊一株對岸有平房兩岸均有麥土行荆棘道中江水尙平至大石堆處有溜筒索一行人經索下過上石坡行右有石岩凡三十級行石壁下右岩左江又二百十六步上石岩坡行三百七步過一關門仍行岩邊對岸有溪流入江又上岩行四十步下石坎行石沙路依江岸山邊行草莽滿目行亂石路過大石包上大石盤過一山灣又上亂石窰路人約一百餘戶又平行數十步左右均麥土又行亂石路行夾道中一百四十五步過一廢堡中對面尖峯如鞍形上斜坡行小石子路右一小山荒烟蔓草間小桃盛開杏花初落又行夾道中過石礮江水平流又行夾道中小桃花多欲笑在路旁迎行人又下長坡行亂石坎路小桃紅有白者一種出夾道中右則半山草木左則岩下平土又行夾道中小桃花左右窺人又行平路小桃亦多又行荆莽中平泥路亂石尙少又上斜坡行又下坡行又上坡行行夾道中又下石坡行又行夾道中亂石路又下坡行小石子路左轉一灣上斜坡江水平又下斜坡亂石路過一廢壘

十里靖夷堡

兵火後頽垣敗瓦不堪入目關內人戶全空下石坎行甚陡五十餘戶被火之宅只有牆石寸草皆無現有修房者有溪溪上有富貴橋六楹係前年知事田子實補修者尙缺瓦本年六月堡中老民黎啓明募修此橋架改橋名爲靖夷橋并題額溪內綠楊甚多有水磨過橋行夾道石路中又行沙邊堤柳數株春風欲舞岩有大杏花一株山之形質如濫土牆山腰現沙層古時河身必高過門限石三下小坡皆沙路又行亂石路路中有大石盤又行夾道中小石路上亂石坡八十四步又上亂石坡兩旁皆荆榛行九十四步右山左江沙路數十步又行石岩下二百步下坡行石岩邊九十四步行石壁邊八十二步岩盡處過一山灣行沙路中左有沙壩大石包處過頽垣行夾道濫石路一戶人又行石版平路五十步下坡行右爲黃土岩左臥巨石沿江行又下坡行

十里水塘

兵火後現只有五六十家人均袁姓廢垣多滿街瓦礫有烟堆左方一帶均係麥地右之土山如城垣柳六株栢一株行夾道中路平多大石多瓦石又一路多荆莽又

沙灣至正平

五十七

傅樵斧箸

行亂石中迎面一山雙峯尖秀山下有砦有人戶左行過一溪過攀平橋左行夾道中亂石路折左行又右折行夾道中行亂石路又左行下小坡又右折行前有崩路力夫多向右行由麥田中行路極平田亦多左俯江流麥田有短垣圍繞下亂石坡行夾道中三十五步又下坡一百三十步沿江岸行對岸多沙田路右荆棘叢生下石坎行夾道一百步又行河沙草地中路平曠行六百步到大楊樹下江洲上白楊大林江有一沙嘴江水迴流左岸之楊柳亦多關外有溪流有水磨三兩旁大石羅列又行短牆邊有白楊大樹十五株風景如畫以下十里到正平路短只當五里

十里正平

有城堡人戶數十家兵火後現尙蕭條入城一調查不忍入目有茶業商號原係大站口被夷亂後則荒涼矣不知何時乃得規復原狀也新修之宅多蓋木片上壓以石店房難覓通街只有床三間係三足架者夜雨雪四十七度出關左行夾道中又行亂石中大白楊樹沿岸生對岸麥田有一大平原依山行上石坡八十六步下石坎行右石岩下一百四十步右下坡行仍行石岩下沿江邊行九十八步又行岩邊

沙灣至正平

五十八

至大石包二十四步行亂石路均平坦行夾道亂石中又行山邊右有山壁立如城垣之整齊路濫且窄上亂石坡行夾道中一百八十步過一山溪一石平小橋過一山灣行夾道中亂石路又行濫石岩下對岸之江岸形如土築牆左右皆麥土行夾道中又行荆榛路左岸又如一排土牆轉一山灣又行夾道中亂石路

由正平至隆昌堡八十里

此八十里前四十里短後四十里長由歸化至隆昌堡之十里只有五里江右之山泥黑色江左之山泥赤色

十里金平砦

有破城現有人戶二十餘家兵火後尙未復元街上有石坎六下坡右折行過一山溪流一平石橋轉一山灣有水磨溪口有大白楊大紅杏上亂石坡行二百步右行一帶石短牆過門限石對岸有麥田有人戶又過門限石下斜坡左右有大石夾路行夾道中瓦礫亂石有廢壘又行江岸行砂石路一段路尙平易行對河泥岸如牆壁行右岸有砂地又行夾道瓦石中又行亂石粗砂坡一百六十步過一山灣左岸

正平至隆昌堡

五十九 傅樵斧著

正平至隆昌堡

六十

麥田多行泥石山邊行夾道中九十步下軟坡行過山夾中路滑且濫由岩邊行下亂石堆又行石砂平路右依巉岩邊過一山灣灣盡處上石坡行一百十三步過山夾中下小坡行三百三十六步行夾道中平路直到平夷堡近堡處路多巨石阻道

十里平夷堡

有城堡城外有瓦房城內已成一片瓦礫兩塲面之麥田多江面狹處有平木橋有大白楊樹頽垣甚多氣象荒寒人民流離未歸堡中現只有二十餘家有店房兵火後廟宇神像均被焚燬出城過一溪過一平石橋又一灣行夾道中砂石路大雪山由山缺露出上亂石坡二十三步行亂石路過山灣沿山行向右折行過大石岩六十四步行亂石窖左有大平土又行夾道中亂石路凡一千零九十步

自平夷堡上至鎮江關北定安化等關下至鎮平鎮番靖夷等堡沿途及疊溪漳臘小河一帶明都督何卿於兩旁夾道皆築牆垣防番人劫掠也故入松之路夾道甚多

五里格大壩

人戶只兩三家兵火後顛沛流離之人民尙未復業頽垣相連麥田多行夾道中路尙平行河石路亂石路沿江干行荆棘彌漫右依山左沿江對岸有荒壩一甚大有溪流入江右山如濫土牆有大石當道中至大柳樹處轉小灣行瓦礫路中上小坡行石岩邊俯江邊行岸下有一平沙草地對岸有木片民房平土亦多有雪山行砂礫路一段宜步行因平垣土鬆易行也又行巉岩邊從山夾中行上下坡約十餘步又過大亂石窖不平難行尖角石多所謂鐵馬亦可穿蹄也依大石岩行左有巨石一江中有大沙嘴大土田

五里平番營

左右兩山均有廟悉被火劫右山腰一壁立之紅牆亦劫灰中之廟也城堞多坍塌有內外城城洞係磚石砌者有方石刻嵌城上字不分明城址甚大城內極愁慘荒涼人戶官署無一不被火焚惟舊武署之照牆尙存人居棚架中劫後之房宅皆荒煙蔓草焦土糞丘迎面之山峯尖秀可人江中沙壩多上石坡行石夾中上下三十餘步右石岩左水磨又下石坎數步有山如濫土牆依山行岩下多麥土江邊一大

正平至隆昌堡

六十一 傅樵斧著

正平至隆昌堡
草地約數十頃行草地中山邊有路水大時須阻水然此處歷年未淹又行荆莽中平沙易行上石岩坡行過石夾中十八步下石坎二十二步依石壁邊行五十步又行大石山邊一百六十步又行河壩中一百步依岩行上石坎六十步右石壁立人行飛石下有岩石上端如鏹向左彎曲土人於左方配以石柱作一天然關門又下坎行石岩邊亂石中六十步岩石盡處過沙土草地中九十步抵關自此以上難行之路約三十里

平番營原名黃沙壩明萬曆時潘人牛腦羊腦灣仲占祠等與中國師喇嘛鋸木刻合聚詛石歃盟於此後李都督應祥擒喇嘛灣仲占祠營於黃沙壩改名平番營其地寬平可容千騎爲四十八砦番人出入之地明萬曆十四年建城周一里有奇清設都司一員管丟骨寨呷竹寺雲昌寺等土司千戶

五里鎮江關

原名蒲江關有松潘縣徵收分局局中司事二人局丁二人設有盤查所俗傳此地爲唐之樊江關樊夫人之塚在對山內按此地爲熱霧溝各番砦之總口子有漢軍

駐此關內荒蕪令人悲無飲食售水不可行舟對岸山頭有廢壘出關行江邊砂礫路尙坦平上坡行數步又行亂石堆中瓦礫亦多又行砂石平路向左行麥田相望又向右折行夾道中河子石路上軟坡亂石路二百四十三步又行河石壩中四十步又行夾道亂石路一段過一溪過獨木橋大木二筒圓滑不易行又行夾道中亂石窖子難行右山有礪山下平疇相連路中亂石稍少行田坎上平泥路五百餘步又行亂河石中右有泥土小徑易行尙寬平可免行瓦石中約泥路四十步上石坡坎十六步行岩壁邊二百三十六步石上有山明水秀四大字轉一灣路平軟好走右山對岸皆荆榛又行河邊軟砂路寬而平黃砂綠草一望開曠四百九十四步行夾道中黃砂平路七十步又行亂石路二百二十步江有大沙壩行平泥路七十步又濫泥路十步右山上之小桃花多開叢莽中又行泥路坡四十步下泥坡三十步對岸有大草原又依石崖邊行上泥坡二十四步又上下泥坡依山傍水行一百三十二步路旁有香柏樹葉生奇香番家多用以供佛行平泥路一百二十步行亂石路中兼多泥砂一百五十步又平砂路四十步兩旁皆麥田右有大草原行泥

正平至隆昌堡

六十三 傅樵斧著

正平至隆昌堡

六十四

石路平路七十二步又行亂石小路行夾道中過一門坎石行二百九十步江聲如萬馬奔騰雷霆怒吼又行小石砂中一百九十五步過一溪流過石板小橋一左折行溪內有廢壘行夾道亂石坡五十步過石門限一行夾道亂石路二百步兩旁石壁古時關隘也有十餘步窄不容輜且難行有小坡行亂河石沙路又行夾道一百六十四步對岸荆棘叢生行沙路中又沿江岸行二百二十六步大岩石作片層形斜插山頭飛臨空際極爲美觀又行岩下與江邊泥路二百一十八步轉一灣江有河嘴岩下有古廟一間頽垣破壁觀音像已無頭廟外草土一段前有雪山行平沙路中六百二十四步如江水漲時則須阻水不可行又上軟坡左有麥田約十頃又泥沙路一段上下軟坡行有大樹有白楊林有水磨有溪流

以上不出玉麥若大小麥則山上兩年一季山外一年一季小麥頭年秋分種次年八九月收青稞則清明節種至一百二十天乃可收每種一斗可收三四斗

十二里北定關

四十餘戶人民居多蓋石片爲瓦兵火後全關蕩然本年修成之民房只有三四宅

關外人戶二十餘家十室十空左行人關關內一片空土瓦礫滿地有店房無售飲食者有五顯廟已頽敗出關由右行左有古木又有紅杏綠楊行一段亂石路行沙石路又行夾道中又行亂石中二百八十八步右行過大河石壩中過一溪水過數根元筒之木橋一右行夾道中江岸有木橋一橫江上又行二百五十步之亂石路過石門坎行小石路過石岩邊左有平土又二百十步行江邊河路對岸之河壩極大兩旁多荆榛四百八十步左有沙田又行三百九十六步上坡行四十二步又行沙路二百四十步上石坡一百步又下坡一百五十步右依巉岩行江邊之平曠相望又行沙地七十步左行夾道中亂石路另有一路可從平地行二百步青草沙地又行一百六十八步與夾道亂石路合從夾道亂石中行一百零九步又從亂石夾道中行右有廢城頽垣有平田右有大石山凡一千步又行夾道中兩旁荆棘叢行亂石中難行之窄路凡一千二百八十三步右則荆榛滿山過廢城垣上亂石坡行又過亂石窖中兩面叢棘路中盡大石亂堆下小坡亂石路又行小石子路又行夾道一段寬路又行亂石路一百九十步上斜坡亂石路八十六步又行夾道中亂石

正平至隆昌堡

六十五 傅樵斧著

路一百零八步下斜坡行一百五十四步又行亂石中兩旁均麥田又行夾道中左有石壘盡亂石路路中有大石盤有大門坎石有廢城垣六百三十一步上亂石坡一百二十步又行平路亦亂石路計三十六步過溪流轉左灣下斜坡五十步依濫土牆形之山脚行均亂石路道中有大方石阻路由右灣行依山行一帶平田行夾道中小石片路又沙路四百步依山邊行沙泥平路過江邊有大木數株又七百五十步過廢關牆又一百二十步到歸化此十餘里夾道多亂石亦多可謂蜀道難矣

十七里歸化

城堞多傾圮城外有人戶一排有瓦蓋者有石蓋者尙覺整齊圍總爲程光彩松潘人兩次番亂此城未焚故現在尙有七十餘家人過橋爲上街未過橋爲下街水由番地雪山來年年大水將橋沖刷前年知事田子寶培修此橋至今尙未竣工因無款也係木橋名定遠橋有彩色店房不甚佳山溪水發且大城亦多被水沖塌城內荒涼出城有圓木橋橫江上江身窄行江邊過片層形之石岩下水大時不可過必

正平至隆昌堡

六十六

俟水消乃能通過無別路可繞行也行山邊到大石處上泥坡九十步行石岩邊依岩右行下石陡坡一百零十步仍依岩行右岩左江巨石亂堆石多如煤上泥斜坡七十步下坡一百步又上坡三十四步下坡十五步沿岸行過濫土牆形之山邊江中有大沙壩一大尖石行泥沙路好走江中有麥田數十頃沿江岸依山脚行江中沙壩有大樹八株過大石傍又有麥田又從大石邊過仍從江上山足邊行對岸江洲有四白楊有麥田過大石亂堆中又行亂石中數步行河沙石路中又從夾道中行兩方荆莽一百八十步又行大亂石窖右爲巉岩路中有二大石夾路行濫土牆形之山下過大飛岩下行亂石窖夾道中又行亂石路江身陡白浪翻天一帶叢莽亂石窖子過頽垣又行亂石中過大石行亂石路又行亂石壩江聲驚人過大石岩大樹下有圓木橋架行沙路中遠望一叢烟樹在河洲中過大石有大石高坎上下斜坡沿山行又過大飛石邊過一左灣下坡行到隆昌堡有大樹三有小學校一

自城南至疊溪之永鎮堡此爲適中之地

正平至隆昌堡

六十七

傅樵斧著

隆昌堡至松潘

六十八

由隆昌堡至松潘城八十里

前四十里路長過雲屯堡之四十里則短只當三十里行矣自安順以上每五里古人有一石壘今多廢

十里隆昌堡

此十里路甚短土人云可五六里城內有人戶十餘家城於庚申年被大水冲去有店可宿十餘戶地方房屋尙好有姓白者其家可借宿因房舍潔也門外有濫照牆無飯食售行亂石山邊江干之大楊樹多行大石岩邊江浪兼天湧上下軟坡處江上有平木橋行濫土牆形之山邊對岸有大沙地行大石山邊一百步左有白楊右有修路碑碑上文字漢夷並列過一大山灣灣下有麥田有草地江水平依亂石土山行過大石旁上斜坡石泥路一百二十四步下軟坡數步依山邊行一帶石沙平路路左有麥田又下坡過大石七十四步行山邊過一小山灣上坡行六十六步依濫土山行對山脚有草原一段山山皆白雲山山皆白頭因有雪也右山皆荆莽左岸亦荆棘叢又上斜坡六十二步下坡行一百五十二步過一小山灣仍行荆棘山

路又下斜坡行七十五步江岸有柳十餘株又行河壩路過頽礪水大時須阻水對山沙壩皆叢荆過門坎石路有大石亂臥兩旁荆榛又行河岸均平路左有麥田山鳥多又行山邊瓦礫路過大石盤上小石坡六十二步又五十步行山邊又下斜坡行亂石路左右江岸均有土田轉一左灣下斜坡一百三十步左灣行江岸路右係大石岩依石岩及江岸行一百步

又依濫土山及江岸行八十四步上斜坡行右則濫土牆形之山左則澎湃水聲之江江面寬又行大石岩邊下陡坡三十六步行平路右過片層形之石崖左過水磨江樹扶疎對岸土田及灌莽甚多又行濫土牆形之山邊下坡行八步依濫山行過一山灣左山杉木多有廢水磨二上斜坡三十步又下土坡一百三十四步過大石岩邊對岸有溪流入江又行江岸及石岩中亂石路大樹邊江上有平木橋對岸人戶多有廟宇行石山邊過一山灣江中有洲兩岸均有白楊排列均有沙地及麥土到新塘關

十里新塘關

古名新鎮關

隆昌堡至松潘

六十九

傅懋斧著

隆昌堡至松潘

七十

行石牆邊三四百步有柏二株人戶約二十餘家有關帝廟城內有茶水糕餅餠餅牛燭售店房五家城樓之柱料極大城樓之瓦壁已無只存一空木架矣右山之杉木甚多行石子路右有烟堆左有平田江流無聲對岸山脚有一土穴一帶麥田路左及江干有平地數十頃行夾道中濫石路右有片層形之大岩又行夾道亂石中又上石坎過大石岩邊江岸多叢莽行泥沙平路又行大石岩邊及江邊右灣行石岩邊過一山灣對岸有高下麥田右山叢棘滿坡又行江岸山邊過廢壘右山多樹木行亂石路又行濫沙石路行江岸之第二層又行夾道中左有廢垣右邊濫土牆形之山荆莽叢多過濫泥路又行江岸之第四層上小坡四十七步下小坡三十步東風小桃粉紅滿山向右折行過一山灣有小溪流左折銳角行下軟坡過一大土穴均泥沙路三百二十步過一木架小橋下陡坎四步行山邊又下泥沙坡行夾道中兩旁有麥田過廢壘路如遇雨濫不易行且路皆亂石兩岸之山荆莽荒蔓又行夾道中亂石路向左行平草地中好走約三四百步右多草莽由牆缺處出合路對岸有大麥田行荆莽中過大石岩邊一山灣水聲極大可行叢莽中依石山亂石路

又左灣行灣下有麥田又行巉崖邊江浪高翻聲徹岩谷又左過一灣過石岩之大石邊左岸莽叢過濫土牆形之山邊對山有杉木林右折上坡行七十八步過一溪流一木橋向左山灣行路右有大方石屹然如碑立行濫石泥山邊依右石垣行對山多麥田行亂石路又行荆榛路中一段約沙路好走過一廢礮對岸有麥田有岩穴四兩岸大白楊樹數十株江上有木平橋依山邊行左有大草地對山又有杉林右山有石礮亂石路雨後路濫

十三里德順堡

城外數戶城內十餘戶有店房上軟坡行多廢宅行夾道中二百五十六步坡路又一百步上石坎入關門徒存其名並無門有觀音廟關內污穢不堪無下足處有街鋪一排尙覺整齊除有茶水可買外食物無售者出關下坡行糞草充塞下濫泥坡路兩岸平田依濫土牆形之山行江岸有木平橋右溪口對山有石礮對岸有山溪溪左有人戶頽垣多沿江行有水磨兩岸有大樹土田亦多江岸如壁立路左有平田行夾道亂石路對山多土穴沿江岸行江左平土開朗過一山灣有大樹四株依

隆昌堡至松潘

七十一

傅樵斧著

山邊行上下小坡經夾道中路平係碎尖石路又下軟坡行又行亂石路雨後更難行又行泥小石路左有廢礮行叢莽中右折行沿江岸山坡行過一山灣行石岩邊過一山溪水流入江過一溪橋岩石下有小廟行巉岩下又行夾道中係土路

七里安順關

有初等小學校一有漢軍一哨人戶六七十家牛馬糞堆積街衢江上有平木橋橋有木瓦江左有一大溪流入江溪口水磨依江邊山邊行又行小石子路一節尙平坦易行右山有廢礮行夾道中亂石瓦礫路兩旁皆荆棘仍行夾道中亂石路過一廢壘行荆榛路中過一溪流過一山灣由溝內進即番砦過一界牌石壘在路左名五里牌自此以上凡路五里即有一石壘爲界牌仍行夾道中亂石路過一濫土牆形之山邊有夾道亂石路小桃夾岸盛開行山岸邊山多叢莽對山有大岩穴上下斜土坡行荆莽間又行亂石窰入夾道行亂石路又上土小坡行荆莽間又下土坡行又行夾道中多荆莽亂石路對岸江岸如牆立有水磨有沙壩壩上有白楊林過一山灣對岸多麥土上坡五十步過一山溪流一小平橋一山灣左方麥田高下

隆昌堡至松潘

七十二

入夾道中亂石路過石坎石二對面山名九龍山上有廟又二百五十步夾道中行亂石路上斜坡四百數十步到雲屯堡

十里雲屯堡

自此到松潘城只四十里路短且平不過三十里耳沿途山花及小桃極多天晴時不過四十三四度堡中只人戶二十家有小店房七八家馬牛糞甚多無售飲食者有驢脚店城已圯有新瓦房一間其餘民居多石片木片蓋者出堡下小坡行過溪流一木平橋過山灣一溪內有白楊林左行廢壘邊上下亂石山坡左山右田滿山小桃開遍荆棘間左岸下有水磨二係用石片蓋者行夾道中大石當道下亂石坡仍行夾道中左右多平土對岸有人戶一帶麥田數頃行亂石路雨後更難行又夾道中又依山邊行上長軟坡瓦石路一百七十步又行亂石窖過山溪一小石橋行亂石窖前面雪山光射數十里又行夾道中大亂石窖如遇雨雪極難行過門限石兩旁皆叢莽右山之小桃開遍山谷間又行夾道中濫泥路左邊多麥田依山脚行路稍平坦桃花多處如入桃源右山有新崩之土石當路又過一大石過五里橋過

隆昌堡至松潘

七十三

傅樵斧著

隆昌堡至松潘

七十四

一溪流過一山灣入夾道中行大亂石窖石硤多又行江岸邊兩旁皆有麥田山山皆叢棘行亂石窖子行夾道中有大樹數株過小溪行亂石中右有新修之民樓江岸有木橋橋上有木闌橋頭有小廟又有一小平橋在橋頭橋名古興橋上偏坡行濫土牆形之山邊左俯江過飛石下下土坡行又過濫土牆形之山邊抵西林關

十里西甯關

三十餘戶有水磨關外有民房關內牛馬糞充斥出關外洞垣圯無飯食售只有油炸之青稞麻花及青稞餅出關上偏坡行濫土牆形之山邊有大柳樹四株上下泥坡一百四十步沿江行亂石路有大石當道上石坎九步下泥石坡行左右均麥土對坡上有番房上土坡過小溪流下坡一百步行夾道中亂石路左有麥田右有一段崩壁已將路造成亂石窖矣沿江岸山邊行江邊有水磨有白楊林磨房以石片爲瓦右折行有茶號改修之宅在路左岸有白楊林對岸如牆壁行濫土牆形之山邊亂石路有人戶數家過一溪卽駕鴛橋

二里駕鴛橋

一雙石板之小平橋也在溪口有水磨有白楊林對山上有番房過橋行炭灰石之山邊江聲甚喧又行濫岩邊岩石形如未足火之方磚層又行濫土牆形之山邊對山高下麥土甚多上坡八十步下坡六十四步行江邊之沙路好走過濫土牆形之山邊江面尚寬江中有平沙甚多又江邊有沙土數十頃行沙路二百七十四步行亂石中左有水草行夾道中亂石路上坡行夾道中崩牆太多故路極濫二百二十六步過五里牌石堆在左仍上坡二十步下坡八十四步右折行亂石路過一溪流沿山邊平路行好走左有大沙原草地約數百頃過濫土牆形之山邊路平好行向左轉行山邊對河岸上有番砦路由雄溪屯之背面經過屯內漢人數十家瓦房多古名熊植屯過一小溪一小石橋依山邊行路平到石河橋松城全在目中原有上駕鴛橋係嘉慶十六年同知徐念高因遺址修建又有下駕鴛橋

八里石河橋

要隘也無城有徵收局之分卡三十餘戶人無飲食售一大溪流有石拱橋一卽石河橋也關卡有司事二人書記一人巡丁二人有水磨行夾道中又行山邊上濫土

隆昌堡至松潘

七十五

傅樵斧箸

牆形之山坡行有土腔一七十步平路行山半有造磚窰一每年須五月乃能開工因冬冷水土不能融也故磚瓦貴且少江面寬約數十丈江中沙壩多下土坡行依江邊行又過土穴依濫土牆形之山邊行過一山灣有杉木支路又一木橋平路河內之中壩極大仍行一段平沙路平疇相接天地開朗兩岸山上土田均多路亦寬大與成都之東大路相似江岸如土垣均沃土過一小溪流行平岸又過一用木支撐之小橋兩岸山上麥地相連層層疊接對山有夷砦再十里到紅花屯其實路短只可八里

十里紅花屯

南路關堡之首也二十家人不成街市無飲食售行黃土山邊江面寬平沙壩多四面各山皆係麥田有百餘頃上土坡行濫牆形之山邊七十四步下坡行依山邊江岸行平路又上坡行五十七步又行山邊八十步下坡三十四步平路一帶則到松潘矣紅花屯爲隋之交川縣治開皇初置有關官元和志云周天和中置屬龍涸郡太平寰宇記以其地通胡越道路東西相交故名交川

隆昌堡至松潘

七十六

十里松潘縣城 入南門

有外城內城江水由城內穿過城內有木橋一原名古松橋有木欄有飛閣兩岸用木支撐亂時燬於火去年重建現尙未竣工橋上多售物者

松城兩遭番亂全城灰燼城中之土亦被人犁翻凡有窖藏盡已空如城內瓦礫遍地城洞中亂石盈塞幾無下足地入城四望一片榛蕪滿目荒涼令人悲感經知事田子實何作賓二公先後治理兩年餘尙如此之現象可見破壞易而建設難也城中鋪戶不過數十家瓦房不過數十椽支木架蓋松板以庇風雨者比比皆是城中騾馬糞牛糞人糞隨處皆積有穢氣薰人實有礙衛生各茶商水客藥幫皆田知事招徠者

現在只有正街一條然街鋪均未修全不相聯屬者甚多夜間全城黑暗街民皆閉戶無燈

城內原有街三條

街鋪售物者多不陳列且有閉門售貨者因風塵極大也故松城之街市實不成爲

隆昌堡至松潘

七十七

傅樵斧著

隆昌堡至松潘

七十八

街市

當兵火時城中民宅商店廟宇付之一炬惟城隍廟巍然尙在如碩果之僅存城隍廟在城內之崇山腰有古木數株縣民言上年番人入城有一番民入廟脫神袍神臂忽動該番被擊又一番人砍廟樹樹傷出血汁番人立斃樹側衆番以神甚靈遂令勿焚城隍廟故此廟得以保全廟中供有姚將軍像廟係明朝古廟現住漢軍一哨李哨官逢春住廟內廟之楹窗多朽每年三月二十一日爲神會在未遭變亂時極爲鬧熱有大戲班演劇本年會期只有傀儡班而已掣到任十餘日卽神會期首人帖請降香并請有漢軍統帶張君石鈞暨漢軍營長田君文明何君寶珊暨各機關員紳見各寨番民男女雜沓形形色色奇奇怪怪令人目不暇給漢番人等有不遠千里來者焚香禮神亦奇觀也廟中有一匾上書有二不朽四大字係現在巴縣知事周君宜甫之尊人任廳同知時所書

番家婦女頭上多以珊瑚珠及黃臘色之大圓石爲飾多袒臂垂袖着蠻靴富者衣錦祿以豹皮

每年正月春節龍燈甚爲熱鬧花炮極多各商店燃放花炮以數千釧計花炮均從灌縣運來因本處無售硝磺者

城內崇山上野雞野鴿甚多

又有花臉牛無角牛犏牛鬃牛四角羊梅花鹿兵火後城垣之坍塌者甚多城堞缺處且有作大路通行者江水入城處既無牆壁又無水洞閘門不固不險城係磚石砌成城洞外嵌有紋極古緻之石條額惟洞內皆碎尖亂石窰

西門在崇山頂名西岷頂險要地也爲用兵所必爭之地上有炮台燬於兵燹原有西岷汛今已無有關廟一亦燬於兵火惟磚牆尙立而已每年四月一日團防首人帖請知事及統領上該處行香放大炮三響實以石謂數十里有海子常出黑雲由西山來雲起則冰雹立至必傷麥實如見黑雲西來放炮轟雲卽能免雹災屢試不爽且倩喇嘛作咒唸經謂甚靈驗喇嘛咒語可止冰雹或令移降別峯地方百姓對於長官尙有前清信仰派

素不產米自東路來每斗現價四千六百文亦有以斤論者售米者多參以穀故

隆昌堡至松潘

七十九

傅繼斧著

隆昌堡至松潘

八十

米不良

肉食不佳猪肉不好猪食糞少喂糧食至大者不過五六十斤少且貴牛肉亦不肥嫩多羶氣售者多死牛正二三四月羊肉亦無售者鷄小不肥鴨難覓魚小而鱗細白

江水多係雪水煮米時間須久否則夾生不可口

茶水亦須久煮否則生病

水客有謙裕恆德生裕澤豐號春生永元記

茶號十家本立生義合全裕國祥豐盛合恆昇永聚盛源天一永鑫盛乾普益通天
祐昌茶行草地

各樣物品多自外縣運來故價昂

生活程度甚高比成都尤倍之

油鹽柴米醬醋茶無一件不自數百里運來

多綿竹大麩酒醪糟味淡如水無滄酒

松潘地勢絕高英人白斯氏之圖說謂出海面三萬四千七百二十七英尺自灌縣過索橋直至松潘均從溝內沿江行江水至漳臘以上則小源多矣松潘地高土燥空氣太薄人多喘氣抽氣如人病多買老茶熬飲可以轉危爲安天氣寒冷四月桃杏方華二三月末山雪化後豆麥方下種一年只種一季青稞下種遍洒田中種後雨水要多至六月太陽要大愈晒愈好乃得豐收每年三月末南倉存有青稞籽種鄉民覓保具結於官由官批借秋收加還不產玉麥花紅果子甚美且碩大知事署有數十株南坪之蘋果大且甜佳果也天氣冷暖不常往往五六月亦冷如冬正二月亦暖不可裘且一日之中陰晴雨雪時時數變且風雹甚大大風多在午後每風則灰塵滿天雪雹立至三月天寒四十四度至四十九度四月自四十八九度至五十一度天氣燥時或至六十一二度五六月不過七十度至八十度而已如冬令寒時降至三十六七度城鄉居民因天氣寒凍四時皆燒火盆用杉木松木燒成之泡炭每個係一件約三四十斤需錢三百餘文大者多未燒過性多烟焰火盆上各置有厚重之銅茶壺一

隆昌堡至松潘

八十一 傅樵斧筆

隆昌堡至松潘

八十二

有水蒸瀛以吸收炭氣於衛生甚合有郵政局陽曆日期雙日午後收信雙日午前發信信自成都到者七日無工廠無舟楫運物多背負用馬牛人民不喜工作多勞働家每人每日可得力錢自五六百文至千餘文不等故樂爲苦力麥麵昂貴而不現恐慌象木工多安岳縣人凡數百名每日工食錢二百八十文泥工亦二百八十文一工泥木工均笨拙所造之物件亦粗笨無刻工無雕工無畫工縫工有二三十人鐵工亦只有二人笨不能造物鐵器均自外縣來

客店有十五家

小菜甚少五六七八等月方好買菜三四月間有波菜豆芽紅蘿布豆腐葱蒜台韭菜窩笋且蒜台窩筍葱均自外縣來有乾紅蘿布絲售甚好白蘿布絲亦甚好豆油

醬醋均不甚佳

點心有麻餅價三十文一枚亦有十二文一枚者均可口又有茶酥月餅亦可口雞蛋糕粗硬芝麻鍋巴糖尙薄脆餘均不佳食物則有大小鍋魁麵包油漩餅子麻花粽子涼粉切麵包子

乾牛肉甚多恐誤買死驢馬肉須注意醃牛肉名牛膘醃猪肉名猪膘多自茂州石泉平武綿州來又有猪油亦自外來肉多鹽醃者欺人作偽也

凡百廟宇均燬於火如春秋祀典現均臨時搭棚致祭

未亂時原有火神廟萬壽宮武廟林波寺武侯寺觀音寺大成廟清真寺龍王廟文廟馬王廟玉真觀東獄廟五顯廟張公祠藥王廟玉皇廟蕭曹廟今成灰燼

知事公署亦燬於兵火現在建築因陋就簡尙未完工大堂尙未修好田知事受任於亂離之後在城上接印有房一間辦公均搭帳棚

逆番入城大肆焚掠經司令龔伯凱克復松人感之聞本年將爲龔君立祠

三舍有炭廠平地採取係煤灰本年已有燒者每斤八文惟運到松城必須牛馬是

隆昌堡至松潘

八十三

傅樵斧著

隆昌堡至松潘

八十四

以貴耳因限於資本故未發達該廠距城一日遙

番人種煙多在深山窮谷之森林內又有自甘肅陝西潛來者聞每兩生坭值錢十餘千文然未有犯者

鋪床喂馬無穀草用麥草甚貴

無瓦器售瓦缸鉢盆無售者用木爲之有磚瓦窰三四處磚瓦亦貴年中只工作六個月非五六月不開窰因過時則水土不融不能燒也

無監獄只有看守所一院因無款尙未修建即管獄員亦無署下榻看守所內

奇特之產有佛掌參雪蓮花白口芩仁壽果又有飛獸似鼠名催生者於產婦有奇效

漳臘距城四十里至漳臘則山小且平皆下坡送足路矣有玻璃泉一百零八孔水自平地孔中湧出有金礦

大宗出產有大黃甘松貝母羌活甘草棉芪秦艽虫草大黃百斤銀六七兩甘松百斤三兩零貝母百斤一百三四兩秦艽羌活百斤各四兩甘草棉芪百斤價八兩

出產以甘松爲大宋年出十餘萬斤又出羔皮每張銀四五錢獺皮一兩八九錢獾利皮七八兩狐皮二兩零金線猴皮公者難購母者數兩騾馬牛驢皮三兩上下麝香八九換鹿茸每對上等八九兩中等五六十兩下等二三十兩出關之貨以茶葉爲大宗入關之貨以羊毛羔皮爲大宗麝茸次之行銷之物品茶葉土布斜紋布毛綢二九布花線毛頭巾疋頭麻繩竹蔑黃白紙紅紙哈達紅綾鐵貨帽緯糖食海味土藥羊皮豹皮麝香鹿茸獐利皮羊隻毛牛羊毛氈子毡子牛馬騾驢皮筆墨柴炭猪油猪膘牛膠顏色漆油銀牌鼻煙葉菸水煙洋油草紙銅鍋銅瓢銅罐火炮洋布麻棕絲線五色棉線白泥棉花丸藥洋油牛燭火藥

據宣統三年之調查每年茶約銷六七千票又云消三萬數千包布可銷三萬數千件毛綢五千餘件疋頭千餘件麻繩十餘萬斤沿羊二萬餘隻毛牛千餘頭羔皮二三十萬張羊毛一百數十萬担麝香千餘个鹿茸萬數千金每年五六七八九等月爲毛莊月因羊毛莊客運貨入關城中人多生意熱鬧過此

隆昌堡至松潘

八十五 傅樵斧著

隆昌堡至松潘

八十六

則冷淡異常故平時街市之行人寥寥無幾也

羊毛在草地及各番峯買每百斤值十七八兩運至松城可至二十五六兩近來羊毛價漲故屠羊者少因留以剪毛售也

本地亦有酸醋以碗計六十文八十文一碗不等

鮮牛乳亦以碗計每碗十四五文亦有和水作偽者

奶渣色白製酥油之渣滓也形如粗石砂有顆粒

酥油有黃白二種每斤三四百文

地不產大竹只有小竹長不過四尺細如煙竿泥壁多用之每百枝六七十文本城無裱工亦無紙壳售

番亂平後現駐有漢軍統部即松潘鎮之舊署係新建者統帶爲灌縣張君石鈞人戶筵宴賓客多挂紅綾或挂五色綾多挂於室內之樓坎上

席館有大教小教之分平時無肉售如包定酒席須前數日招呼或專人赴各峯買雞羊或與屠戶預約乃能臨時不誤

參翅可買

在松城雇轎赴省每名需價七千數百文

街巷則北街中街南街真武街真武下街林波寺街倉街張公祠街五顯廟街下水關小巷子小橋古松橋西街東街小橋街將軍河壩東門二巷子東門一巷子觀音堂巷馬黃橋

城門則西門北門東門南門四門外尙有小西門外南門臨江門城門雄壯惟陰氣逼人因出入人稀也

現在之物價雞每隻三四百文蛋每枚二十文火腿每斤五六百文桃米每兩十文蕨粉片每斤一百六十文豆豉每斤二百文每兩十二文胡豆瓣每兩十二文芝麻醬每兩四十八文魚每斤二百文挂麵每把一百六十文灰麵每斤一百文包穀麵每斤七十文玉麥每斗三千文灣豆粉每斤二百一十文柿餅由南坪來每斤六百餘文黃豆每斗三千四百文芝麻甚少每升六百文牛肉每斤八十文羊肉每斤一百文猪小不肥偶有屠者肉每斤二百文羊毛毡本地能趕製大毡每床二千數百

隆昌堡至松潘

八十七

傅樵斧著

隆昌堡至松潘

八十八

至三千數百文棹毡一千二百文花椒每斤二百五十文胡椒每斤三百文海椒每斤二百二十文柴每駝一百六七十文河水每挑三十文茶水每碗十文牛油燭每斤三百二十文雪鹽每斤一百文小花生每斤一百七十八文棉線每兩八十文大針每根二文小者一文半斜紋布每尺一百六十文棉花每斤六百文白土布每尺六十五文青布每尺八十文藍布每尺六十四文火盆用之鐵三足每个三百文鐵火盆每个一千二三百文火鉗每把二百四十文掃帚每把八十文鍋每口一千二百文老茶每斤一百八十文春茶每元八九百文紅紙名片每百張一二百文紅紙每張三十文洋紙小白名片每匣二百餘文水烟每斤一百五六十文葉菸每斤二百文綠茶每斤四百餘文豆粉每斤一百文條粉每斤一百六七十文米每斗五十斤四千八百文酒米四千五百文青稞每斗二十五斤每斗一千二百文麥子每斗二十五斤一千四百文胡豆豌豆每斗二十五斤一千三百文燒酒每斤三百八十文或三百二十文猪膘猪油每斤三百二十文菜油每斤二百二十文青鹽每斤一百六十文冰糖每斤四百數十文白糖每斤三百文黃糖每斤一百五

十文麻油每斤二百五十文桐油每斤二百四十文乾筍子每斤四百文泡者每子三十文本地所製之皮靴每雙價銀一兩七八錢
青鹽來自青海又有石鹽一種產於南坪各番地中與雅州之岩鹽相似聞南坪所產之石鹽番人食後喉多漲大包

小菜甚少正二月只有波菜每斤十餘文白菜台及蒜台由東路來三月有韭菜葱子波菜四月有白菜波菜又有食野菜者地丁苦菜二種五六月有紅白蘿布芹菜茺萎姜豆青菜洋蘿布且蘭冬莧菜同蒿菜六七月有南瓜四季豆菌子如黃瓜茄子青海椒均自龍安販來八九月有蓮花白大蒜葱子芹菜韭菜白菜大窩筍大如茶碗蒜亦大如碗青菜菜豌豆米胡豆米十冬臘三月天冷菜均藏入土窖內豆芽豆腐四季均有豆芽每斤三十六文豆腐每個十五文
仁壽果一種一名棋子番名足罵新鮮者每碗二十四文乾者四五文煮粥食甜且佳

本地有毛菇一種味佳每斤三錢五分至四分

隆昌堡至松潘

八十九

傅樵斧著

隆昌堡至松潘

九十

又有松耳一種出產甚少肉比中壩所出之木耳較堅厚
又出小米

果品八月始出祇有花紅杏子兩種如梨子李子毛桃自東路木瓜墩來如白瓜子則自德穉子來

縣之南坪地方出大苹果紅棗花紅

花則南坪有牡丹芍藥松城則八月始開三月有小桃紅野玫瑰魁四月則花紅杏花有魚兒牡丹七八月有荷包花扁竹花燈盞花菊花石竹花芍藥花大小棋盤花蝴蝶花八月有桂花冬月則無花正月草木均不生矣

草地內出大魚松城有乾者均從草地來

草地面積凡數十萬方里出毛牛犏牛崖羊青羊大鹿駱駝野馬野牛沙孤兔兒牲松地出黃牛山羊馬騾綿羊驢兔鹿子狐狗熊馬熊狼豹野狗

鹿筋每付四枝搭鹿葱鹿舌鹿尾價銀三兩餘熊掌每付價銀三四千文鹿胎每個數百文鹿皮每張數百文土狗皮土狗油即野狗也每皮二三百文鹿肉乾者每斤

三錢

羊筋乾者每斤銀三錢炖出味美與鹿筋無異

番人見官呼爲命主子漢民見官呼大人緣前清之舊習慣也

江左山頂原有一風水塔上年番亂被番人拆毀謂此塔一去風必大漢人自去必離松城現尙未修

此地寒不宜桑去年試驗場內所種者均已枯

公扛嶺鎮江關白草等處均出樺皮惜無人開採

明代松潘人馮國公駐京有萬惡者在京謁馮遭白眼遂恨馮萬惡矢志學習堪輿以松潘地形甚好山川鍾毓故出有國公二人出有將軍一人馮多方運動乃出守松潘到任後一意破關地形

一打象腿象腿山在馬鞍凹萬惡將山脈挖斷

一修外城作禱禱形以壓風脈并壓馮國公之祖坟脈馮族修函到京國公乃力爭奏請下旨禁止萬惡乃將外城倒修一拐故今明朝爭角

隆昌堡至松潘

九十一 傅樵斧纂

隆昌堡至松潘

九十二

一挖斷金線塘在弓嶺地名金線塘係一條深溝溝外地形如胡蘆故名金線弔胡蘆萬惡亦挖斷之

一修蜈蚣橋西岷頂山勢蜿蜒如龍萬惡修蜈蚣橋名蜈蚣鑽龍鼻以致龍死

一改江流穿城過以破地脈

松城人民以萬惡爲害地方於五月五日在街將萬惡殺斃鬻割食之故至今端午日家家人民於飯熟後無論如何必割肉下鍋和飯炒食名食萬惡肉

松潘城東有雪山名雪寶頂年中雪不消融與日本之富士山同記得李商隱詩云雪嶺未歸天外使松州猶駐殿前軍杜工部詩云雪嶺界天白又云松州雪嶺東又詠嚴武鎮蜀詩云公來雪山重公去雪山輕

松城係明朝平羌將軍丁玉所築係磚城都御史寇琛以城在崇山下番蠻常於山頂矢石交下乃拓城環崇山頂周九里七分一千七百四十六丈高三丈五尺隍深一丈九尺原於江水通週處有水閘門三今已無矣

黃龍寺爲天下勝景今略記於此以告游歷家寺在城東七十里一日可到雪寶頂

前山之陽四面皆高山峻嶺中心忽然開朗十餘里寬之平原沿山上下皆龍爪柏葉如龍爪翠徧山谷坡後即黃龍寺本明代兵使馬朝覲見原名雷山寺又名黃鹿寺係黃鹿真人得道之所寺前有洞洞中有黃龍故山有黃龍洞名洞向西進有石佛三中一佛係肉身左右二佛係岩泉石乳滴瀝積成再入數百步洞窟中有大水流聲澎湃駭人深不可測內多龍鱗即催生子也兩旁之石作龍鱗紋且蟠蜒如龍形下有石麵可食即觀音粉也山湧清泉從寺後石壁流下繞洞右側而過泉所滄處隨處成五色池大小以數百計有紅者有紫者有白者有黑者有黛綠者有翠色者有緋色者有黃有淡黃者有藍者出自天成遠山如屏拱立數十里天然如畫寺中有老女居士一相傳每當日暮百獸來朝每當天曉百鳥亦來朝獸則虎豹熊猴猿狐兼有蛇蟒寺後大森林中奇鳥極多上年德國人在寺游歷所得之奇鳥不下數百種有一怪獸不知何名以鎗擊之該獸怒目不動與獵者相持人卒不敢放鎗獸亦從容退去每年六月十五日爲朝山期漢番到寺朝拜者不可勝計番人有數千里來者有自青海西藏蒙古來者各番男女雜沓形形色色皆着新服飾寶器故

隆昌堡至松潘

九十三

傅樵斧著

隆昌堡至松潘

九十四

又名爲番人賽會之期所有各種裝服多外間所未曾見過者番中男女多攜花巾或大傘或跳舞或唱歌或跳鍋莊或聚飲亦多作桑中之約者會期祇一日第二日則羣番男女各背包負傘紛紛散矣洵奇觀也渠他日游寺當另有詳記

林波寺距松城四十里距漳臘十里每年四月十五番僧作會番人演各種狀態跳躍漢夷往觀名曰跳鍋莊跳畢番人男婦嬉戲即以會期勾許婚嫁

松城於前清咸豐庚申年因番人請免番糧斗捐番人叛亂全城焚燬光緒二十七年城內又被大火居民房宅凡燬一千三百餘家宣統三年辛亥十月因漢番請免肉厘警察乘防軍出發城內空虛番民乘危叛亂同知蹇仲裳君幾遭不測番兵入城大肆焚掠掣土掘窖甚至發漢人廬墓古碑古蹟古物蕩然無存全城人戶焚燬一空一片赤土至中華民國元年六月龔伯凱將軍帶兵克復田知事開闢草萊招商招民始有今日

生銀每兩一千九百八九十文銀元每元一千四百文軍票每元六百數十文軍票兌換艱難不易售出銅元甚多沙金三十五換銅金三十二換

番人交易用生銀不用銀元草地交易多以茶布掉換
松潘亦有豬種小而瘦肉極穢腥因無菜米飼猪食糞草故瘦穢也渠在任已一月
尙未見有屠猪者

南坪距城三百餘里有分知事一員南坪地氣天時均與松城不同本邑糧稅全特
南坪一方肉稅亦以南坪爲多且出米出菜南坪有城與甘肅之文縣四川之平武
交界人戶亦多

松潘民風甚好無娼優無乞丐貧民子弟數歲亦有執業或牧羊放牛趕騾馬壯者
爲苦力或負或挑

隆昌堡至松潘

九十五 傅禮斧著

隆昌堡至松潘

九十六

◎附記

松潘所屬之番人分生番熟番二種拈佑阿革寨土百戶熱霧寨土百戶峨眉喜土千戶麥扎蛇灣土千戶包子寺土千戶阿思峒土千戶下泥巴士百戶羊峒寨土百戶寒扮土千戶衣巴塞土千戶祈命寨土千戶踏藏土目阿按土目挖樂土目押頓土目中岔土目郎寨土目竹自寨土目藏咱土目東拜王亞寨土目香咱寨土目咨馬寨土目八頓寨土目云昌寺寨土目中羊峒隆慶砦下羊峒黑角郎砦皆熟番也若呷竹寺土千戶安大土司自言係漢種現在之土官爲安裕禎人甚開通中央賞有嘉禾章生番則小阿樹寨土百戶下阿樹郎達寨土百戶中阿樹中个寨土千戶上阿樹銀達寨土百戶下國六克納卡寨土百戶中郭六吏插落砦土千戶上國六克車木塘土百戶下阿壩強砦土千戶中阿壩黑倉砦土千戶上阿壩甲多砦土千戶郎情砦土百戶雀固砦土百戶阿革砦土百戶甲凹砦土百戶木下砦土百戶熱當砦土百戶勿章砦土百戶下作革砦土百戶下曼砦土百戶合八奪扎砦土百戶上作耳革寨土百戶阿細柘弄砦土百戶巴夕蛇住壩砦土百戶班佑砦土千戶下勒凹卜頓砦土百戶上勒

松潘游記附記

九十七

傅樵斧案

松潘游記附記

九十八

凹公按砦土百戶作路生納砦土百戶崇路谷木砦土百戶下沙路作弄砦土百戶中沙路殺按公砦土百戶上沙路木路惡砦土百戶雙則紅凹寨土千戶谷二壩砦土千戶川柘砦土千戶下包坐竹當砦土千戶上包坐蛇萬砦土千戶達弄惡巴砦土目毛而革阿按砦土千戶七布砦土千戶此外大小寺院喇嘛甚多尙待詳查